


廣雅碎金附錄

一





叢書集成

初編

主編者
王雲五

商務印書館發行

083
114
:2339



廣雅碎金

附錄

(一)



3 0405 2352 8

張之洞著
北京圖書館藏

A 023129

廣雅碎金

本館據漸西村舍
叢刊本排印初編
各叢書僅有此本

廣雅碎金目錄

詩一

連珠詩

癸丑七月畿輔淫雨十日順天津保定河

間正定深冀方二千里間大水無際自通

州乘舟至束鹿

南歸道中作

凌霄吟題劉貞女凌霄閣詩集

哀時

瀘州渡江

人日遊草堂寺

杜工部祠

雨行蜀棧遇諸兄

宿寧羌州

乙卯除夕宿紫柏山留侯祠

鳳嶺

康對山故里

井陘口

閔僕

銅鼓歌

卯金子行贈姊夫劉伯洵

哈密瓜

徹醉篇

文山疊山二琴拓本

幽澗泉

來日大難

君馬黃

同人有效玉溪體者亦戲作一首

五忠詠

石阡知府嚴謹叔和

署都勻知府高廷瑛式如

署貴西道巴圖魯于鍾岳伯英

思南府學訓導張鴻遠

册亨州同雲騎尉劉寶善

送馮竹儒煇光赴湖北入益陽胡撫部幕

余在京師三兄在武昌以詩奉寄

座主蕭山朱尙書六十壽辰戒勿置酒命門

人各賦詩時方以科場事絀誤罷職閒居

送吳麥秋衣往四川爲道士吳癖金石善刻

印技在陳曼生趙次閑之間嘗荷一擔窮

探名山訪碑遇卽揚之

河間崔次龍能詩善畫寓都下十餘年無所

遇而歸

輓同年吳子珍

詩二

送莫子偲遊趙州赴陳刺史鍾祥之招

漢武帝

別陸給事眉生

雨後早發天津至唐官屯

歸家

海水

古風

濟南雜詩

濟南歲暮

辛酉春感

濟南行宮海棠

德州道上

邯鄲行

磁州道中

吹臺行贈任邱邊雲航

送嚴緇生從軍江南

奉和房師舍人范鶴生先生鳴蘇榜後見示

之作

送同年翁仲淵殿撰從尊甫藥房先生出塞

送同年李爽階士愷將之官天台縣令

題翁文端公藥洲訪石圖圖作夫婦憑欄尋

訪狀代

朝鮮灘隱畫竹歌爲董前輩文煥作

送陳一山喬森落第還鄉

題朱麋君舍人鑑成焦山酣睡圖

題許海秋起居宗衡母孫太恭人山水畫卷

黃忠端墨妙亭斷碑祝歌爲孫給事賦

悲懷

訪萬柳堂

連鎖僧忠親王戰壘

江上望荊州城

漢上琴臺

采桑曲

詠懷湖北古蹟九首

黃陵廟

屈大夫廟

鸚鵡洲

吳王臺

杜征南祠

陶桓公祠

黃鶴樓太白堂

秋風亭

赤壁東坡祠

湖北提學官署草木詩十二首

桂

梧桐

藤

蘭

桃

紫荊

竹

蠟梅

何首烏

構

雜草木二首

四生哀

蒲圻賀人駒

安陸陳作輔

孝感傅廷浩

蘄水范昌棣

哭陳生作輔

詩三

恭擬大婚樂章四章

大學士恭捧詔書起由中階降奏又平之

章

皇后詣慈寧宮皇太后具禮服出內宮奏

翁平之章

皇太后還宮奏孚平之章

皇上受賀畢御內殿奏成平之章

和王壬秋五月一日龍樹寺集詩一首

極樂寺海棠初開置酒會客

和王壬秋孝廉食瓜詩三首張平叔畫圖

潘侍郎藤陰書屋勘書圖歌圖爲無錫秦誼

亭作

送王壬秋歸湘潭

潘少司農嗜鄭學名其讀書之室曰鄭齋屬

掖張君据高密漢人石刻畫象模寫爲圖

以同治十一年七月五日康成生日置酒

展拜會者十一人因題小詩

新春二日游慈仁寺謁顧祠

題彭侍郎畫梅

南窪修禊送客

秦子衡爲孫駕航畫崇效寺丁香海棠卷

和潘伯寅壬申消夏六詠

揚銘

讀碑

品泉

論印

還硯

檢書

曉起至石閘海看荷花奇克坦秦觀察邀入

水軒置酒

病起遊諸寺

送同年楊少卿由戶部主事呈請改官開化

縣令

題董研樵玉泉院聽泉圖

題董研樵太華衝雪圖

九日慈仁寺毘盧閣登高謝麀伯何鐵生陳

六舟朱肯甫董研樵陳逸山王廉生同遊

題潘伯寅侍郎極樂寺看花圖卷

過華山

驪山

灞橋

馬嵬驛讀壁上石刻詩

劍閣

眉州三蘇祠雲嶼樓

滁山書堂歌送吳仲宣尙書東歸將寓滁州

嘉州酒歌

攜家住桂湖

遊紫柏山留侯祠

住喜雨亭

遊東湖

華山下玉泉院

褒城

登牛首山望終南曲江樊川輞川作歌

看法源寺松懷亡友陸廣甫 爾熙

攜家遊江亭

題湖州趙忠節公 景賢 圍城蠟書遺墨

花之寺看海棠坐中董兵備將有秦州之行

送研樵前輩之官秦階道

哀六朝

永歎

題常熟曾退菴山莊二圖爲聖與刑部作

立秋後二日同謝麀伯朱肯甫吳清卿王廉

生至石牯海上游泛舟坐漁家秦氏園日

暮方歸

戒壇松歌

偕張繩菴遊潭柘寺看松月

輓吳圭菴 觀禮

合肥李相太夫人八十壽詩

天寧寺紫藤花

遊淨業湖訪法梧門故居不得

詩四

詠史

賈誼

漢文帝

陸賈

司馬相如

叔孫通

東方朔

劉向

楊雄

馬武咸宮

李商隱

房元齡杜如晦

唐明皇

張九齡李德裕

廣雅碎金 目錄

李泌

杜甫

裴度

李吉甫

陳子昂宋之問

白居易

張九齡

陸贄

誤畫

壽徐蔭軒總憲六十生日

門人諸孝廉可寶爲余畫楚游十三圖今失

去更求畫手補之各題一詩

黃鶴磯

琴臺

武昌西山

樊口

雪堂

鹿門

習家池

隆中

蘭臺

龍山

蝦蟆碚

空舸峽

蒙泉

秋興

扈從上定東陵作

同張繩菴訪僧心泉與同游南窪

族姪瑞蔭入學與其父子青宮相同歲賦詩

爲賀

憶蜀遊十一首

浣花溪

劍閣

錦屏山

凌雲山

重慶府

忠州東坡

摩圍閣

邛崃山九折坂

夔門

火井

青城山

沈松樵贈琴泉寺唐經三紙

五北將歌

廣州副都統烏蘭泰

湖北提督塔忠武齊布

西安將軍多忠武隆阿

科爾沁僧忠親王

塔爾巴哈台參贊大臣署伊犁將軍錫綸

金山觀東坡玉帶歌

謁胡文忠公祠

彭剛直公輓詩

憶嶺南草木詩十四首

廣益堂雙松

此君亭竹

越王臺木棉

三君祠桃榔

南園老柳

杏林莊杏花

虞苑訶子樹

光孝寺菩提樹

半塘荔支

菊坡精舍朱槿

白雲山玉蘭

花埭五棱子

螺岡梅

濂溪祠荷

壽黃漱蘭通政六十

俄國太子來遊漢口饗燕晴川閣索詩及書

卽席奉贈

希臘世子

謝周伯晉翰林惠黃州雞毛筆

謝周伯晉惠上海三白瓜時方苦熱

謝易實甫餉廬山茶藪

謝易實甫再惠廬山三峽泉

九月十九日八旗館露臺登高賦呈節齋孝

通伯嚴斗垣叔嶠諸君子

臘月十六日邀汪進士陳考功易兵備楊舍

人至兩湖書院講堂看雪月余以畏寒頭

痛先歸

封印之明日同節齋伯嚴實甫叔嶠登凌霄

閣

湖北三得大雪微雪無數除日賦詩

正月初二日同楊叔嶠登樓望餘雪

易實甫以司馬溫公殘帖硯見贈乃溫公與

其姪九承議手札後半段其眉亦缺數字

就殘石作硯葉東卿故物翁覃溪刻字題

爲斷碑硯牋上有元吾子行印及昌齡印

昌齡滿洲人乾隆時官學士多藏舊槧本

書余每見之印朱文曰長白敷槎氏李南

潤日記載其人疑此爲昌齡所刻諸家真

蹟法帖不詳帖何名又不知真蹟在何所

此其半石也

焦山觀寶竹坡侍郎留帶

蜀葵花歌

正月十七日發金陵夕至牛渚

登采石磯

過蕪湖贈袁兵備

石鐘山拜水師昭忠祠坐芸芍堂

廣雅碎金詩一

門下士沈善登譚廷獻樊增祥王棻孫詒讓易順鼎等校刊

遠珠詩

陸士衡創爲演連珠。後世多效之。庚子山並用韻。然駢體終不能盡意。今以其體爲詩。務在辭達而已。

朝菌不知晦朔。蟪蛄不知春秋。知遠心多危。知近心多偷。微生只須臾。苟樂且嬉遊。所甘草頭露。所便叢棘幽。霜寒卽掃跡。潦至亦隨流。宇宙固不問。謀身且不周。賢惜沒世名。聖爲百世謀。宣尼日栖皇。公旦思綢繆。天高可倚杵。海深或斷流。陽鳥畏仰射。六鼈防垂鈎。吾聞堯與舜。日爲天下憂。弓調而後求勁。馬服而後求良。士苟不誠篤。雖才終不祥。竇參終負泌。蔡京亦叛光。相士貴取節。非謂根本傷。菟集枯則背。饑饉飽且颺。其始受操縱。其終不可量。無事猶依違。緩急終相戕。吾聞諸葛公。鱗甲屏正方。

大廈成而燕雀賀。湯沐具而蟻蝨弔。小人工依附。禍福不自料。憑城作威福。視人爲嘖笑。婁鯖方逐逐。翟羅忽悄悄。幸爲墻閒乞。敗爲秋穰掃。冰山未足恃。終遇太陽照。志士貴自立。炙手恥媚奧。吾聞梁伯鸞。因熱甘滅竈。

天不滿西北。地不滿東南。人生高厚內。何爲無窮貪。魚木難並足。齒角不相兼。孔門多出妻。堯舜無肖男。高位叢憂懼。寢兒夜寢酣。苟得多惡名。外侈內必慚。一歲再結實。枯萎已可占。此益致彼損。得失常相參。昧此喬松促。悟此瓢飲甘。吾聞榮啓期。帶索樂有三。

善言感人。煖於布帛。惡言傷人。慘於矛戟。良象止其輔。咸戒騰其舌。一發弦上箭。遂成終身隙。拂鬚丁衛寇。致仕杜讎白。才人取快意。洛蜀始決裂。儉壬肆中傷。擲筆掃名節。縱使不悖入。亦自累盛德。吾聞歐陽子。持論常不竭。

琥珀拾芥。磁石引鍼。不在同鄉里。只在兩同心。或因萍水合。亦有千里尋。慕羶風無逆。佩香谷無深。燕昭愛士誠。豈爲多黃金。宣聖講洙泗。七十士如林。跖徒休首山。九千尤森森。薰蕕自相感。氣類各不侵。一賢集衆正。一邪招百壬。賢不患無輔。士不患終沈。吾聞楚瓠巴。游魚知瑟音。

善飲者善醉。善騎者善墜。隱禍由忽萌。高才以矜累。必敗東野車。卒窮田巴對。得意忌再往。上人休自快。由基雀失目。滑叔柳生臂。極訥該萬辨。無爭處常貴。防患不可勝。不如味無味。吾聞漆園叟。取名妨公器。百山學山。不至於山。百川學海。乃至於海。安坐終無成。精進效可待。十駕駕及騏。壹心蠙勝蟹。尹需受秋駕。夢魂通真宰。呂蒙一武夫。三日面目改。從來半途廢。皆坐不知悔。望道登天難。得道瓦礫在。吾聞衛武公。好學老不懈。

佐饜者得嘗。佐鬥者得傷。附驥行自顯。助桀天所亡。連茹保貞吉。渙羣終夷傷。黨碑磨不滅。逆案蓋彌彰。

文若抱偉幹，徒污孟德臙。伯喈感誤恩，一澆損芬芳。吾聞晉孫登，離塵若鸞凰。水清者無魚，人察者無徒。作聖容爲本，用晦明之符。坐照有心鏡，象罔得元珠。隋文好聰察，肘腋忘獨孤。衛君辨白馬，無救國爲墟。王道如春臺，亡國如秋荼。法煩亂愈生，徒快巧吏胥。救過且不給，安問宏遠謨。吾聞史公書，漢興由破觚。

戶樞不蠹，流水不腐。醜毒生宴安，善心出勞苦。黃道日不息，何況含生伍。輿輦致蹙痿，導引成輕舉。偷士非可雕，惰農豈得黍。玉錯光乃發，劍厲芒始吐。敵緩兵必鈍，工暇器必楛。綿綿存本元，新故相吞吐。吾聞周公旦，無逸戒聖主。

石可破，不可以奪堅。丹可磨，不可以奪赤。世事有成敗，本性無改易。荀閱蘭漸滌，墨歎絲染質。秉德旣寡薄，磷緇隨所適。豈能計萬全，但存生理直。憂心雖悄悄，不作鑒與席。吾聞劉并州，深爲繞指惜。

言得其人，如聚沙而雨。言非其人，如聚虀而鼓。高論不啓蒙，強諫不悟主。點雪須顏氏，投水惟漢祖。旣遇諱疾人，豈御藥酒苦。強教欲覺迷，徒受按劍侮。知心一言善，戾時三策腐。稱佳徽謝妻，姑諾孔拒虎。躁隱兩不失，叩鳴視所與。吾聞漢張猛，曉人在一語。

越人衣文蛇，代馬依北風。習俗尙各別，禮樂豈苟同。聲教化所始，非類神所恫。病吟不改鳥，囚操不移鍾。文軌古自一，皮弁今交通。胡纓與蕃樂，汨亂安所終。物曲雖博取，王制乃常宗。許孱乘荆車，魯殃作楚宮。讀書歎微管，適野憂其戎。能嚴內外辭，方有膺懲功。吾聞白太傅，華聲諷樂工。

耕當問奴。織當問婢。兵繫國存亡。將繫民生死。書生好大言。法吏多吝鄙。劉秩陳陶覆。吳隱廣州委。謾才
蹶街亭。琦賢控好水。軍容唐掣肘。晉路明閔市。罷鎮歸郡縣。宋氣不能起。能兼文武才。翁歸世無幾。老馬
識徑塗。老卒知營壘。吾聞漢高皇。哀歌思猛士。

井蛙不可以語海。夏蟲不可以語冰。物有知不知。人有能不能。尹鐸爲繭絲。逾量非所勝。齊桓讀糟粕。陳
言徒相仍。見遠儒乃尊。知時國乃興。理非一孔盡。木非一法繩。小言或破道。大受終難憑。吾聞李白詩。笑
道如蒼蠅。

三世長者知被服。五世長者知飲食。世德罕象賢。世祿多惡習。神爲形骸勞。志以耳目溺。謝尙佩香囊。何
曾議鮑腊。雞鷲爭一飽。蜉蝣矜羽翼。筋骨旣柔脆。物理亦罔識。一旦巢卵覆。徒嗟枯魚泣。憂樂叛生死。壽
夭視勞逸。吾聞淮南子。淡泊以明德。

舌以柔而存。齒以剛而亡。健順貴兼濟。禍福豈有常。牛缺摟盜患。單豹罹虎戕。井弱汲易竭。玉堅燒益光。
精金能屈伸。百鍊仍無傷。君子有卷舒。帝王有弛張。南越綏以柔。匈奴克以剛。李煜馴而滅。仲謀抗而王。
度德爲進退。相時爲行藏。洪範陳皇極。極以中爲綱。吾聞孫思邈。智行兼圓方。

甘爲雞口。勿爲牛後。匹夫能肆志。勝於趙起走。曾聞厲憐王。亦有國舍垢。專城百里榮。伴食媼相醜。鷲戀
困懷筮。鵠舉快山藪。負重陸忍辱。內熱顏衷守。羊裘帝座客。白衣聖人友。至樂貧非病。至貴德不朽。吾聞
陶靖節。乞食羞五斗。

天不以人之惡寒而輟其冬。地不以人之惡險而輟其廣。剝窮上反下。夫決消必長。敬慎終不敗。心亨利攸往。風輝翔千仞。虞人徒張網。郭爲太學宗。朱冠慶元黨。匈匈一時事。嶽嶽千載想。下流豈可居。危行吾所仰。吾聞子與氏。尋直羞尺枉。

直木先伐。甘井先竭。誰是材不材。古今未能決。良幹爲棟棟。朽木炊爨掇。甘泉入嗽咽。潢汚流蕪雜。榮悴無端倪。偏舉未爲達。君看昏亂世。蚩氓豈苟活。犧有文繡悲。馬有鹽車撻。貴賤同一患。但勿自戕伐。儻無世情嬰。賢愚俱白髮。吾聞繫辭傳。樂天有真訣。

刻鵠不成猶類鶩。畫虎不成將類狗。苟無將相才。不如先有守。孝經致三公。下澤稱謹厚。快犢能破車。代斲必傷手。既有絕臙危。轉益效顰醜。假王焚漸臺。擬經覆醬甌。斗筭任重器。覆餗終貽咎。陋儒談大道。燕說招擊掊。吾聞漢馮唐。爲郎甘白首。

薰以香自燒。膏以明自銷。徒供人世悅。坐令天年彫。亦如文章士。苦心自抽縲。究竟歸幻滅。何補人一毫。造幽和已滑。極絢精必搖。人賞等玩物。不賞如風飄。老聘薄虛車。揚雄悔刻雕。空憐投溷賀。復笑秋蟲郊。惟有德功言。光景懸雲鬢。吾聞韓昌黎。載道規唐堯。

牛涔之水無尺鯉。塊阜之山無丈材。凡百文學科。積理爲根荄。衷聖義乃高。廣納言乃恢。古今歸一貫。雅鄭慎別裁。左氏肇經傳。千篇授帝魁。班生擅史法。九流綜蘭臺。能漱六藝潤。始起八代衰。勃如芝菌生。浩如江河來。文筆且猶然。何況箸述才。玄言王弼謬。賣餅公羊哀。逃虛詩喻禪。破道文類俳。陋乃理之賊。碎

乃文之災。吾聞南華經。風積必待培。

三人成市虎。一里能撓椎。習非可勝是。志士之所悲。無端亦無末。徒以戾俗訾。蒙深誰能擊。復窮凶在迷。黠者詐不汗。愚者悍不思。飽食百無事。但爲哆口箕。既有盈篋謗。豈無投杼疑。可使童生角。能變素爲緇。以此理亂樞。供彼談笑資。任賢賢必搖。舉事事必墮。訛言旣莫懲。國事遂阽危。不信嗃嗃多。救藥無所施。天有夸娥神。終使太行移。吾聞小弁篇。君子舒究之。

乞火不如取燧。寄汲不如鑿井。求己勝仰人。勞暫逸乃永。嬰兒在人掌。待乳存傲幸。貧士衣中珠。未索自不省。世人志在儉。不好精進猛。齊景但出涕。趙孟惟顧景。亦如士爲學。剽竊非修綆。謀國計久長。豈得飾清淨。國與天地立。衆醉須獨醒。吾聞周易象。自強爲要領。

良醫之門多病人。鑿括之門多曲木。能者用其能。老死猶不足。龍蛇堯階傲。駟盜孔門育。天意主仁閔。聖政哀惻獨。羣頑翹一秀。意在互相畜。苟無巧者勞。安有拙者福。十全未爲功。一聞輒抵觸。藏刀莊不仁。重跣墨取辱。顯晦當相時。因應非逐物。吾聞禹與顏。同道無覆局。

不聰明不能爲王。不癡不聾不能爲公。家國雖有別。恩義貴得中。正位稱嚴君。嘻嘻以吝終。蒸藜孟傲慢。三筍禽教恭。室有勃谿婦。堂有蹲踞翁。頽弛啓司晨。蔽惑來掇蜂。媿媿顏家訓。穆穆柳氏風。老人更事多。深知法有窮。解紛兼教讓。養福取抱沖。要須兩斟酌。家國道自通。防患宜識微。矜憇貴苞蒙。吾聞子思語。聰明乃有容。

造父無馬。無所見其能。羿無矢。無所見其巧。不患國無人。有賢不知寶。有不得其用。用不盡其道。擊肘作書難。狐搢成功少。廉頗棄異邦。樂毅不自保。信陵徒飲酒。屈原空起草。虞卿著書窮。苟況作賦老。贈策託空言。斧柯傷懷抱。吾聞齊扁鵲。治疾恨不早。

割而舍之。鑊鄒不斷肉。執而不釋。馬蹏截玉。人生貴立志。不爭遲與速。三年通一經。既冠諸經熟。敏者廢於嬉。魯者稱高足。生我各十年。蘇臺遊麋鹿。強者亡於驕。弱者大難復。太行無增加。愚公有似續。吾聞南人言。不爲無恆卜。

爲獲賜者。不必負以綠木。爲魚鱉者。不必擊以入淵。王道利萬民。惟在因自然。吏良若慈父。不必讀法煩。政平若雨澤。不必响沫澣。勸桑拔民荼。勸農蹊民田。清丈奪民時。青苗貸民錢。水利拂民俗。保甲擾民眠。不見倉箱溢。但聞冠蓋喧。冤獄不能察。罪人施蒲鞭。寇兵不能禦。亂後埋傷殘。隄防不早築。災後施粥饘。有司書上考。閭里滅炊煙。雖或勝貪饕。實足長巧姦。吾聞劉子政。去害馬自全。

上求材。臣殘木。上求魚。臣乾谷。人君思恤民。莫如先寡欲。穀食與鶉居。鎮以無名樸。漢文履革鳥。宋仁惜羊肉。所省能幾何。克己爲化俗。務觀民廢業。貴珍吏貪黷。木鐸何人聽。戒石何人讀。夜飲國失日。求仙巫蠱伏。上好下必甚。有如景響速。諒哉爲君難。不得稍快足。無怪石戶農。甘心辭黃屋。吾聞唐開元。身瘦天下福。

騰蛇無足而飛。鼯鼠五技而窮。士貴知道要。不在誇多通。趙武言語訥。曹參清靜宗。周勃少文采。汲黯號

愚忠諸葛尚淡泊。魏徵稱田翁。鼂桓兩智囊。均不保其躬。曼倩最多能。屈身滑稽中。劉鄩饒百計。夾河終無功。惟靜識乃遠。惟樸力乃充。吾聞柱下史。無名道猶龍。

癸丑七月。畿輔淫雨十日。順天。天津。保定。河間。正定。深。冀。方二千里間。大水無際。自通州乘舟至東鹿。

綺繡周原變水鄉。誤看秬稻作菰蔣。澤鴻休怨無安所。且限南來醜虜狂。時髮賊擾河北。畿輔戒嚴。

南歸道中作。時懷慶被困。訥督部爾經恩尚書華勝欽差保托將軍明阿李撫部億合兵援之。

趙北方憂水。河陽尚用兵。三男都遣戍。九帥各連營。時亂雞驚夜。天寒雁伴行。莫嫌村酒薄。且喜了秋耕。

凌霄吟題劉貞女凌霄閣詩集

貴筑名士劉香士廣文蘅之姑。既聘而壻死。守節四十年。

地有古井水。木有女貞子。水木有時枯。女心無生死。劉家三妹青溪才。桃李方盛乘春開。鳴雁未奠失其匹。瓊瑰盈抱將安歸。凌霄纓珞十丈許。不怨芳華泣紅雨。獨繭纒絲作琴絃。琴語道甘不道苦。比翼無過數十春。孤鸞一曲鳴千古。吾怪中壘與西河。論禮雖精何其苛。旌此亦足輝彤管。世間中庸能幾多。吁嗟乎。女未適人士未祿。一例貞苦不可沒。商伯夷。齊王蠋。漢之龔勝。晉之王裒。唐周朴。

哀時

刁調青蘋末。終致沙石飛。鬼馭金隄高。安知蟻穴危。清晏五十年。養此氓蚩蚩。文吏吾公醉。武卒市人嬉。

江南信可哀。河北守者誰。勢欲括赤縣。與之作潢池。秦極否所伏。剝窮復繼之。秦否乃天道。剝復在人爲。天道已板板。人事仍熙熙。

瀘州渡江時乙卯秋

夔府荆門據上游。魚龍百日狎高秋。三刀不見樓船下。孤負長江竹箭流。

人日遊草堂寺

人日殘梅作雪飄。出城攜酒碧溪遙。無端杜老同心事。四海風塵萬里橋。

杜工部祠

少乞殘杯道已孤。老官檢校亦窮途。榮名敢望李供奉。晚遇難齊高逵夫。憑仗詩篇垂宇宙。發揮忠愛在江湖。堂堂僕射三持節。那識流傳借腐儒。今嚴鄭公詩三首。附刻杜集。

雨行蜀棧遇諸兄

鬼方瘴癘正憂兵。兄向南行我北行。此後逍遙堂裏夢。雨風猶是對牀聲。

宿寧羌州

歲晏單車獨北征。風催稿葉下邊城。一家骨肉同萍梗。時家大人方督兵辦賊。賊熾餉缺。艱苦已極。伯仲叔三兄北行在路。四海親朋半死生。五弟小潭。以癸丑秋歿。笙樵從兄亦以是秋歿於粵。粵方有紅匪之亂。從姪桐冒難奔喪。今無耗。業師童靈送洪雲陔兩先生。皆陷賊流離。死生未卜。石氏鹿氏諸戚。時在都勻府圍城中。兵警危甚。杼軸山中猶急稅。旌旗江上未休兵。憂來無寐披衣起。霜月橫天櫪馬鳴。

乙卯除夕宿紫柏山留候祠

四年四除日。疾如逝水度。無歲不易方。可笑蓬與絮。壬子蔣氏客。癸丑錦官寓。甲寅栖園城。戰士方暴露。巡警雜卒伍。傳箭待東曙。今年伴道士。寒燈展臥具。階泉鏘玉聲。松雪耀積素。勞人逢幽境。聊作蘧廬住。窮村爆竹稀。瘖啞如裂布。縱橫壁下僕。鼻息窮牛怒。文武成何事。僕僕病道路。青山苗紫芝。愧此棲隱處。

鳳嶺

神泉蕩無險。險自散關始。萬壑共一井。行人在其底。壞木支橋閣。二分僅容趾。左捫將墜石。右瞰不測水。茲嶺塞朝昏。去天諒及咫。盤路穿林蛇。細馬行磨蟻。微聞後者喘。數見前人止。青黃木剝屑。鋒鏑石厲齒。幽禽不來集。豈有鳳皇子。通道金牛詐。飛仙毛女美。嶺高有盡時。林際墟煙起。洗足沾茅柴。不勞那得喜。

康對山故里

太邱弔張讓。貶節但自保。康齋謁石亨。感恩遂顛倒。賢哉康殿撰。行權乃合道。孰能救空同。大德不恤小。中情荃不察。黨廢甘枯槁。樂府琵琶哀。鶯花汴東好。肝膽照千春。蒙污自皎皎。蠶室發孤憤。感歎交遊少。世事如翻雲。鄂杜多秋草。

井陘口

羣山萬壑齊。塞井陘道。匹馬躑躅千駝愁。大車束輪仍折軸。行人一里須三休。亭午忿忿漏曦月。百步之外誰能按。瘦婦揭衣避澗漲。瘦男捧土填坑溝。山店主客皆惆悵。成功獨歎淮陰侯。穴中只能鬪兩鼠。豈

容旗鼓升高邱。三百里間難進退。殺師一鼓俘秦囚。諸葛不犯子午險。孟德喜脫烏林幽。左車憑水已中策。並此不用真無謀。刎頸之交尙背負。乃以誠信施敵讐。嗟哉陳餘謬稱儒。家流此輩之冠誠可沒。

閱僕

峻坂摧輪雨雪雩。蕭奴從我在他鄉。乾餼冷店同朝暮。此亦貧交不可忘。

銅鼓歌

咸豐四年黔始亂。播州首禍連羣苗。列郡擾攘自戰守。盤江尺水生波濤。南盤江帶興義府境。府兵遠出連城陷。合

圍呼嘯挾徒驕。純皇天章久愈炳。義民豈惑狐鴟妖。嘉慶二年。南籠府苗變。城守經年獲全。賜府名爲興義。高廟製詩一首旌之。刻於郡堂。我先大夫

慷慨仗忠信。青衿白屋皆同袍。共守城者皆文武生監及商民。吳公祠下水清泚。百口併命廿一朝。府城有十八先生祠。祀明季吳貞毓等同死事十

八人。祠內有大池。衝焚罌聽賊計盡。鑿門而出窮追鈔。民兵五千憑感激。疾如振籜覆其巢。奢香係頸降道左。濟

火革面居前茅。不見援師助空券。那有饋餉分簞糲。三城百寨并掃蕩。安南普安二縣新城縣丞城次第克復。籌谷黯黯滿腥

臊。收其積聚供館穀。放其牛馬還林皋。俘其子女赦不殺。授之畚田使耕薊。清酒一鍾亦不飲。獨取一物

深於丁寧短於馨。降夷稽首述故事。傳自漢相安獐獠。嗚呼漢相信神武。拜表討賊先不毛。豈不知秦州

宛洛皆爭地。未清堂奧難及郊。隄官隗構四郡戴。攻心一語參軍教。範銅爲鼓賜酋長。坎地寶護埋山坳。

歲時祀鬼乃敢擊。蘆笙巫唱紛噉嘈。不然戰鬥合徒衆。花鬘赤脚奔相招。一面足可直百特。擅一爲富擅

十爲酋豪。鼓亡苗滅古記語。以威報虐將焉逃。鬼方冀方遠遙遙。致之重煩甍席包。連弩銅牙雖罕觀。此

物猶見天威萬古懸雲霄。圍徑四尺脩八寸。四耳無當約其腰。文螭蟠拏朱鸞轟。細乳三百有二相周遭。髮髯篆文不可辨。屢煩畫肚終牙聲。土花紺碧沁肌理。露紋宛轉環皋陶。中心瑩滑不留手。恰受二尺櫛。推敲良辰會客風日美。水面考擊鳴蒲牢。如觀溪峒跳明月。宰牛呷酒歡相邀。忽然蠻風捲瘴雨。中有鐵馬聲蕭蕭。一擊再擊轉激楚。戰場萬鬼皆號噪。不用趣戰用行酒。銅龍悲憤發長號。國初諸老始賞詠。黃湄秋谷俱清超。查氏書堂復繼起。宛平查禮。以銅鼓書堂名其詩集。徒爲玩物爭抽毫。我聞燕然旣振旅。仲山寶鼎來歸朝。此詩述德因愛物。子孫永寶當不佻。藏之宗祏無忘在莒事。亦知乃祖乃父於國宣勤勞。剖符領郡三十載。不蓄長物甘蕭條。羅施石醜不足載。此鼓只如薏苡來南交。聖人有道四夷服。何用大食日本歌。金刀。

卯金子行贈姊夫劉伯洵

大鵬向南飛。萬里一徘徊。羊角多回風。轉爲葦上鷓鴣哀。狂國笑狂類如此。河間今見卯金子。卯金之子能好學。雙瞳奧澈翦秋水。問君據案讀何書。乃是黃帝太公之陰符。神州如沸何人責。作此寂寂真非夫。旣不羨賤儒科名嚇腐鼠。復不爲才人詩酒鬪龍虎。纖美儀容何害崔伯深。縱橫大略誰識陳同甫。我性樸鈍君靈奇。勿謂相反卻相知。雄談能使臧獲訝。標榜誤被親朋嗤。君嘗規我太剛必損缺。我亦戒君精銳防顛蹶。固知利用非鉛刀。更憂經久無冰雪。君今杖策遊燕都。新知得有奇士無。山水雖好琴絃歇。風雨方急雞鳴孤。勉旃崇德且餐飯。金玉終當遇薛卞。商歌夜火何時旦。

哈密瓜

百年都護府。月嬾偃天戈。戊己將軍號。燕支少婦歌。微甘何足貴。青海喜澄波。
沙磧瓜州地。艱難土物臧。冰膚瑩慘綠。蜜理發明黃。嫌雪猶相妬。青門詎足方。
漢塞蒲桃紫。唐宮荔子紅。珍奇非聖意。職貢自西戎。早晚天山定。裴岑善紀功。

傲醉篇

我生多幽憂。天放孰解縛。感慨萬端併。寄此無算爵。螟蛉視二豪。培塿眇五嶽。賢者笑還閔。俗士憎且愕。
聖徒貴清明。醉使神識濁。傑士尙沈毅。醉必多疏略。庶厲道力堅。勿爲麴蘖奪。詩狂不可爲。任達未能學。
笑謝王無功。獨醒爲至樂。

文山壘山二琴拓本

白雁來江南。海潮伏不起。降表簽臣妾。湖山亦蒙恥。伯厚且行遜。子昂安足詆。重儒莫如宋。獨有文謝美。
烈烈柴市風。湛湛橋亭水。無忝大丞相。豈媿小女子。誠知一木微。終爲三綱死。幽情託朱絃。激昂作變徵。
德音不可聞。遺此雙藤紙。超然汪元量。抱琴水雲裏。

幽澗泉

幽澗泉千尺深。長松磊砢生乎南山陰。中有美人橫素琴。軫有美玉徽。有金清商激。越生空林。元霜殺物
兮。蕭森素月默默兮。青天心哀。媛爲我啼。潛虬爲我吟。牙曠千載。憂思欽欽。撫茲高張。與絕絃兮。何怨乎
箏阮之善淫。惟有幽澗流泉知此音。

來日大難

來日大難長夜漫漫金鍾進酒誰與爲歡羽翰扶疏以邀天衢浮雲騰竊箕翼張舒鈞天皇帝所居橫覽冀州恢有餘鳳凰在前青鸞在後下視瑤光鬣鬣如斗七人張羅不敢翹首瞻風茹澹窮年不休不如燕雀可以忘憂

君馬黃

君馬黃臣馬驪同閑芻秣並道馳臣馬羸茶升高岡君馬趁趨臨江湄江水浩浩生瀾漪謂公無渡公然疑颺風激水龜鼉立馬不能進長鳴悲馬色尙不同丈夫有志豈相師

同人有效玉溪體者亦戲作一首

青鳥銷沈錦字箋鳳皇怨絕寶琴絃佩留洛浦波難語扇冷班姬月獨圓夢雨夕飄三峽路淚筠春綠九疑煙持金恥覓他人賦自賦樓東且自憐

五忠詠

黔亂最久死忠者不可勝數此五人皆余知交貴州僻遠溼溼者衆矣

石阡知府嚴謹叔和游苗教各匪浙江桐鄉人先大夫以署貴東道率師剿下嚴爲幕僚後死石阡之難

溪峒飛鳶處淒涼馬援兵樵蘇艱一飽秦越厄連營決勝寶僚智扶衰骨肉情如何箕尾促不得話平生

署都勻知府高廷璞式如江西東鄉人以進士知縣募勇自請諱先大夫軍討賊

文采蜚科第稱師艾至堂艾東鄉名士高爲艾入室弟子義師巡助遠儒吏伍從王肺膺營虞殯同袍又國殤城雲叢壞

氣祠俎並英光。前任都勻府署貴東道鹿壯節公丕宗。夫婦自焚。署都勻府石均。不屈遇害。皆余至戚。先後都勻府三任皆死難。

署貴西道巴圖魯于鍾岳伯英。漢軍子襄勤公成龍之裔孫。殉難知縣崇鑿之子。

部曲從先子。艱難矢石中。論詩七子傑。破陣萬夫雄。縞素孤兒淚。先以墨綵從先大夫軍。丹青乃祖風。梓柯遲悔禍。不奏貴西功。戰功最偉。貴西悍賊略盡。賊深恨之。戰沒後。僅得歸元。

思南府學訓導張鴻遠

甫成傾蓋乍。遽報夕鐘來。鳳羽寒雖短。豺牙厲不推。渙奔時事棘。府縣官吏皆遁。惟君一人殉難。守道腐儒哀。悽咽烏江水。相期愧不才。張君與余一見。有知己之喜。

冊亨州同雲騎尉劉寶善。以舉專匪戰沒。其父官河南滑縣老岸司巡檢。首發李文成亂。死節。國史有傳。

賢子冊亨吏。尊公老岸司。卑官如一轍。慘節不同時。野哭紅江暗。冊亨屬貞豐州。在貴州邊境。與廣西以紅江為界。招魂碧血滋。欲求公百輩。為帝守邊陲。

送馮竹儒煥光赴湖北入益陽胡撫部幕

志士豈自見。動輒艱危尋。竹箭無曲枝。卷菴多苦心。白日有覆盆。列肝訴九關。虎豹當關臥。不能遷我言。六月感嚴霜。清問雪沈冤。誰謂烈丈夫。不如女緹縈。緹縈何足羨。清時自聖明。君家南海壩。我家北海隅。帝京一握手。針芥曾何殊。湛思究理亂。搃攬規匡扶。稠人廣如海。欲語氣類孤。負羽將南征。攬轡立踟蹰。所期肝膽親。豈憶蹤跡疏。

妖氛暗四極。鈇鉞勞王師。將帥敦禮義。大亂有已時。上有好士羅。下有處囊錐。陶公鎮上游。南紀關安危。幕下多俊傑。佐君攻玉資。雲翔指江漢。願爲晨風飛。

東海行

東海在何許。乃在神州東。振策登之罘。萬里青濛濛。日月星漢互吞吐。江淮河濟來朝宗。鯤壑屨窟多詭怪。齊人道是蓬萊宮。但見天吳鼓浪黑。那有珊瑚樹。殷天紅。君不見排難魯連子。玉貌卻敵圍城中。抗疏胡邦衡。屈膝苟活羞容容。一怒便欲從此逝。甘狎魚鼈隨蛟龍。皜皜不受濁流滓。懷沙惜誓將毋同。我本海濱士。獨銜幽憤希高蹤。坐對天池一長嘯。枯桑槭槭生天風。王倫不斬秦竟帝。吾舍二子將安從。

余在京師三兄在武昌以詩奉寄

辭鄉軼轍罕逢知。對屋機雲未有期。兀稟更炊栖廡處。蒼涼作賦上樓時。燕臺寒水成衣晚。漢口斜陽見雁遲。當代功名同氣盛。蹉跎莫待鬢如絲。

座主蕭山朱尙書六十壽辰戒勿置酒命門人各賦詩時方以科場事桂誤罷職閒居

張侯論語夏侯書。帝輔王師有大儒。地近論思歸侍從。時艱擔荷在中樞。曾官兵部尙書孤芳詎免菘施累。公論終無惹苴誣。舊德歸然資顧問。豈容揮手臥江湖。

會記龍門第一遊。柳條西北近光樓。澄園樓名師居之籠中芝箭孤青眼。歲暮松筠易白頭。修竹翠賢蘭渚會。

黃冠一老鏡湖秋。會稽山水堪娛老。句漏丹沙不待求。

送吳安秋衣往四川爲道士吳癖金石善刻印。技在陳曼生趙次閑之間。嘗荷一擔窮探名山訪碑。

遇卽揚之。

風塵瀕洞厭浮名。竟著黃緇訪佐卿。窈窕青城堪避世。知君不爲學長生。長物曾無可卓錫。隨身猶自挈氈椎。擔簦西過旄牛傲。當有唐蒙下棘碑。

河閒崔次龍能詩善畫。寓都下十餘年。無所遇而歸。

浩然去國裹雙膝。惜別城南翦夜燈。短劍長辭碣石館。疲驢獨拜獻王陵。半梳白髮隨年短。盈尺新詩計日增。我愧退之無氣力。不教東野共飛騰。

輓同年吳子珍。名懷珍。杭州人。能爲古文。好講求兵事。

文瀾不取歸熙甫。兵略時同魏默深。聲氣牢籠羞鶴蓋。心期寥寂託牙琴。某公負古文盛名。後進皆希其矚。同時法源寺有詩客十許人。爲倚閭猶白衣添綫。爲位無端淚溼襟。聞有賢妻堪付託。文園遺藁漫銷沈。豪貴所隆禮。聲譽日盛。子珍皆與異趣。數爲余言之。

廣雅碎金詩二

門下士王秉恩毛激楊銳王詠寬殷雯梁啓超等校刊

送莫子偁遊趙州赴陳刺史 鍾祥之招

黃沙舞風白日晡，子偁近日東書戒僕夫。何事犯寒鬚凍結，南渡衡澁饑來驅。臣朔履破不足道，君亦

如此堪盧胡。蚤年高名勳帝都，西南鄭莫稱兩儒。韃為文學毋斂尹，二千年上攀為徒。醒體慣作孟郊語，

瘦硬能為李潮書。今年京國朋不孤，瑰琦跌宕劉與吳。伯洵工詩，喜談經經生壯士各異態，臭味自合無差

殊。劉歸吳逝君去國，遠遊寶璐何人沽。君詩送我西山麓，濟子珍工古文重裘裝纒去。秋林疏九月，余與伯洵將遊西山，

續我歌送君燕市外，劍筑蕭瑟冬原枯。勿飲趙茶澆趙酒，平原公子無時無。

漢武帝

平津經術張湯律，厭次談諧卜式錢。一代公卿齊掃地，四夷珍怪盡朝天。書沈青鳥西飛日，淚灑金人入

洛年。第一奇功刊不得，將軍斥地過祁連。

別陸給事眉生

年年帶甲滿關河，燕市逢君對酒歌。貞觀多賢人望治，馬周慙愧負常何。

雨後早登天津至唐官屯

殘雷宵輟響。明霞朝盈矚。灌木驕平川。軒軒出新沐。淺漲縈危磯。瘠坂冒妍綠。大隄亘如繩。方軌各遵陸。救渴趨井眉。亂流度馬腹。向暄窘迴避。栖塵困掃撲。左問漢陰灌。右覩商邱牧。良苗吐微薰。無意時相觸。信知農圃好。坐笑不黔突。拊尾慰轅駒。我與同局促。

歸家

去時春水桃花發。歸日郊原苜蓿青。京國風塵傷老大。明年骨肉見彫零。孟光蓬歷猶如昨。驥子睨嘔漸可聽。且學躬耕避閒達。移書先告草堂靈。

海水

海水羣飛舞蜃螭。甘泉烽火接令支。牟駝一旅猶言戰。河上諸侯定出師。地孽竟符蒼鳥怪。天心肯使白龍危。春秋王道宏無外。狹量迂儒那得知。十載艱虞選將才。牙旗玉帳上游開。不關陸九綸言痛。已見陶公義檄來。槃敦肯捐河北地。衣冠幸免廣明災。江頭餘燼千門鑠。蒲柳無春更可哀。

古風

橘柚生雲夢。童童如羽葆。甘果既纍纍。冰蕤亦嫋嫋。華實均足珍。衆彫見孤好。霜中溢清芬。能香不願早。世人稱松桂。茲物不復道。乃知耳目外。薶藏多瑰寶。上山采苦菜。青青不盈筐。暮春苗寸玉。食之生清涼。菲薄野人味。豈薦鼎俎旁。自殊春薺甘。敢望秋菡香。

貴人饜芻豢。腸腐亦當防。爲君已內熱。恐君不能嘗。

山雞對鏡舞。盤旋無時休。文章召爭競。知與生爲讎。不如抱我樸。神與太素遊。儵忽不相鑿。攻取當無由。人世縱迫隘。持此狎海漚。

西蜀嚴君平。下簾玩道德。襄陽司馬徽。善鑒仍守默。褐衣賣畚人。治亂若黑白。杼之不可旣。閔之亦自得。士不差貧賤。有道處巖穴。

布衣受人恩。甘以身爲酬。白日見肝膽。微生如蜉蝣。荆卿一酒人。晚遇燕太子。搥柱虎狼愁。氣奪鎬池鬼。戰守術已盡。出奇豈得已。信陵破秦軍。只爲得士死。所惜時已晚。未並劇樂美。趙吟山木下。齊栖松柏裏。大義獨燕存。光芒照易水。

惟鮪悅回淵。惟鹿安茂林。灌莽何所戀。寒蜚樂以吟。大道隨所挹。志士各有心。殊塗訾異端。黨同感知音。不好自不知。暖姝豈足欽。爲謀無相強。偏至方鉤深。八紘羅羣彥。一目焉得禽。

良馬千里足。媚人不如狸。毬場逐雞狗。安辨騄與騏。不道無所用。安知非其時。塞草動朔風。噴玉偶一嘶。朝刷鬣無閔。夕飲西母池。但酬伯樂願。豈爲黃金羈。

霜氣隕萬物。長夜耿不眠。獨立望九垓。高穹曩難攀。斗杓倦不轉。流星如雨繁。昂畢生芒角。三台惚恍間。文昌傾厥筐。王良失其鞭。獨有積尸氣。燦白如純縣。參旂靡不張。枉矢鈍不穿。蜷縮元武頸。虓怒白虎顏。森森華蓋下。熒惑豈敢干。警旦盼神雞。輝輝扶桑顛。

濟南雜詩

齊疆多海魯多山。風土中和是此閒。濟汶黃河三水會。重局不在穆陵關。
龍山行盡麥田青。沙路無泥十里亭。山色雙雙齊入畫。泉聲處處盡堪聽。
三泉噴沸涌珍珠。花乳傾甄燥吻蘇。甘輦定居揚子上。清空得勝谷簾無。
清波綠繞舊宮牆。流入牙城幾曲長。秋柳蕭蕭空照影。吟詩如賦魯靈光。

山東巡撫署。為明濟南王故宮。引濟水貫其中。王漁洋秋柳詩。為故

王作也。

不見詩人白雪樓。漁洋祇賞錦湖秋。語鈴開府東洲客。灑墨題詩處處遊。

前巡撫崇恩。別號語鈴老人。時何子真在濟南主講。別號東洲老人。

藩伯無家住亦佳。寂寥水竹結茅柴。門生不稱蘇和仲。曾到歐公畫舫齋。

錢布政折和。雲南人。官天津府時。余應童子試。受知最早。今退休寓

此。結廬大明湖上。

伏生親授濟南經。杜甫留題歷下亭。十里明湖成葦蕩。百年名士等晨星。

曾圖清濟貫洪河。一綫縈紆十丈多。今日黃流全入濟。愁心誰會濯纓歌。

濟南歲暮

魯酒無溫進一觴。修蛇赴壑惜流光。煙塵暗夕仍多壘。雨雪彫年尙異鄉。
餞臘銀篋司命醉。迎春笳鼓老農祥。東藩北渚誰堪語。雄劍寒宵自吐芒。

辛酉春感

上都水草鬱青青，雪漠春回萬騎停。漢德未丁陽九數，天街長護紫微星。韓公輸貢丹心在，杜老看花涕淚零。應識木蘭家法美，朵顏今日是藩屏。

濟南行宮海棠

辛酉二月
客濟南作

舊苑閒廊雨露新，紅芳曾颺屬車塵。柔條妍似初中酒，小萼濃如乍點唇。千里黃河驚北徙，百年變轍罷東巡。三齊處處傳烽火，猶有猗儻媚好春。

德州道上

時濟東方
有寇警

隴上牛羊自寢訛，春深農事尙蹉跎。荒陂麥秀平原郡，淺水蘆芽馬頰河。團練蒼黃村塢閉，客兵駱驛棧車多。一宵猶是承平象，濁酒銅錢且聽歌。

邯鄲行

寶瑟塵封青娥老，宮車不走邯鄲道。大道只過無情人，香泥灑酒霑芳草。當日叢臺高際天，平原公子能好賢。履上明珠不足貴，三千貧賤皆比肩。美人不犯上客怒，河北一趙安如磐。廉藺爲公卿，毛生最有名。羅網三千收不盡，賣漿博徒自向市中行。信陵一見恨不早，尙有魯連在天表。一國多賢真可羨，不羨荆山多異寶。強秦噬人勝虎狼，匹夫視之如鼠小。姊夫婦弟雙琅玕，至今生氣吐邯鄲。邯鄲城低一丈五，今望平原已千古。公子如雲士如土，交游知名不知心。後房袞袞充歌舞，窈窕賢才兩不知。求官惟禱唐仙祠，青駒短褐日來往。笑殺城南牧馬兒。

大道旁有呂仙祠
記盧生借枕故事

磁州道中

水入橫陂半淺深。煙絲挂樹路旁陰。一鞭驟響青驄馬。萬點驚飛雪色禽。朝雨清塵細不霏。荷簪犀利稻秧肥。畫圖只稱漁蓑好。莫寫勞勞短後衣。

吹臺行贈任邱邊雲航

嘯臺低。吹臺高。臺下瓦礫生黃蒿。登臺弔古逢吾曹。故人誰歟。今邊韶。大梁本是霸王地。至今白沙三丈沒城壕。五季如風青城虜。惟有信陵死不腐。中原蕩蕩不自立。金戈蹂踐徒辛苦。當年汴水入泗流。清明上河尚可遊。南下朱仙四十里。大車鱗鱗小車轆轤。徹夜無時休。一自河決汴流斷。中州貧索來寇亂。錦衣甘食皆河兵。那有健兒習征戰。君來蔡州營。我去宋州城。宋蔡相望列三帥。千羣邊馬仍橫行。僧觀王營骨白。豈惜朱顏醜。抱關俠士不可見。只有憲王樂府堪吟哦。

送嚴緇生從軍江南緇生以庶常散館。詞賦頌揚。被謫。改官主事。

病鶴難諧舞鶴羣。甘從幕職策高勳。黃旗已盡城中氣。朱雀猶懸桁外軍。堪佐談兵京口酒。相隨破浪海東雲。將航海行。相如何止知封禪。試看堂堂諭蜀文。

奉和房師舍人范鶴生先生鳴銜榜後見示之作

先生湖北武昌人。同治壬戌會試得余卷。亟薦被落。力爭不得。憤悵泣下。更爲延譽。今年癸亥恩

科。余中式。仍出先生門下。喜極賦詩四首。有句云。適來已自驚非分。再到居然爲此人。

十八瀛洲選。惟公薦士誠。不才晚聞道。因困轉成名。已賦從軍去。重偕上計行。天知陶鑄苦。更遣作門生。滄海橫流世。何人惜散材。嶽奇爲衆笑。瀚祓有餘哀。疊中憑摸索。孤生仗挽回。韓門多傲喜。應恨不同來。
楊規。浙江舉人。亦壬戌被薦。同爲先生歎賞者。今科不復應會試。

十載栖蓬累。輪困氣不磨。殿中今負展。江介尙稱戈。一命雖微末。平生恥媿媿。心銜甄拔意。不唱感恩多。
送同年翁仲淵殿撰從尊甫藥房先生出塞

玉堂春早花如雪。捧襟攬轡與君別。扶將老父辭青門。西行上隴水鳴咽。隴山之外路悠悠。翰臺況在青海頭。豈獨鞍馬憂憔悴。花門千騎充涼州。雲中太守行召用。吏議雖苛主恩重。出塞不勞送吏噴。過海喜有佳兒從。君家季父天下奇。
謂叔平 會辭使節披萊衣。君今爲親行萬里。一門孝弟生光輝。幸免清羸似叔寶。更祝白髮顏常好。鹽澤羽琤須縱觀。桐乳盤酥強一飽。聞道韓擒師且班。石城青蓋入中原。邊塵一斗爲君洗。早晚金雞下玉關。

同年李爽階士。將之官天台縣令。作詩留別。意頗鞅鞅。賦此寬之。

天台神秀多邱壑。山巔下瞰見城郭。勸君勿羨牛馬走。仙鄉作令亦不惡。赤城霞色如桃花。縣公鳴鼓開朝衙。亂後撫字未易了。莫但閉閣餐胡麻。

題翁文端公藥洲訪石圖。圖作夫婦憑欄尋訪狀。代

古來佳石何者最有名。南漢九曜宋良嶽。當年搜斲窮國工。攢蹙煙雲起巖壑。汴京城莽良嶽邊。白霞兵入九曜殘。拂拭落鮮題秀句。袍笏發動襄陽顛。七百年來變城闕。珠堂玉殿都漫滅。昌華苑裏烏啼風。歌舞岡頭狐弔月。不爲白礎神鬼呵。況有好事爲摩挲。斫藤剔蘚出款識。能得其八亦已多。常熟相公魏邴儔。持節采風來廣州。不愛寶玉愛片石。長鑿木柄窮冥搜。樹窮石見棱角異。炯炯英光三十字。紫繡錯落乾文高。夜半池南吐光氣。泗水之鼎延津龍。乃知離合非無意。北宋趙氏嗜古癖。閨門亦解討金石。相業遠過之。餘事風流復追及。聖皇典學方幼沖。前席北面尊桓榮。賤子亦從几杖後。日夕出入掖門東。藏舟移壑典型渺。豐碑八尺陰楸松。吁嗟乎米老題詩陳仙讀。蘇齋訪石相公續。忿忿三十有七年。桂海珠塵幾翻覆。不知來者復爲誰。安問此石存與沒。奇石離散能重完。峻嶽已隕何時還。圖中華屋自如故。使我展卷空潸然。

朝鮮灘隱畫竹歌爲董前輩

文煥

作朝鮮人徐某。欲學詩於董。以畫爲贄。

唐人畫竹鉤填廓。北宋文蘇乃用墨。此幅金泥寫元綃。鬢籜龍歎奇絕。萬歷到今三百年。作者灘隱今飛仙。蠟緘紙裏走山海。遠隨貢使來朝天。中朝翰林詩蒼古。遠人持畫代脰脯。桂苑春耕筆未枯。延陵知樂來觀魯。桂苑筆耕。唐學士高麗崔□。集名。獨恨當年惜輟材。不掃寒梢萬尺許。三韓畫竹用中法。因知詩亦同機括。君詩清瘦學孟郊。正如孤箭坼瓊甲。面壁苦吟至夜分。定聞蒼玉相摩戛。

送陳一山喬森落第還鄉

雷州陳生將還鄉。贈我寶刀尺五長。千辟萬灌濡血縷。挂之暗室妖精藏。自言本是游俠客。少小彎弓響霹靂。中年折節讀詩書。文章靈怪人不識。時人不識且歸休。丈夫有志當封侯。不然窮居計亦得。蓬累著述爭千秋。浮長江。度大庾。六月道途多淫雨。但知遠遊樂。不道行役苦。愛營兵子多腐儒。若過劉巴勿共語。

題朱廉君舍人

鑑成

焦山醮睡圖

朱、四川人。以詩名。圖作於道光中年。

茗香步算知周鼎。文達多聞辨陸銘。爭向山靈談攷据。禪林塞耳不能聽。竟將四大作禪牀。偶聽魚鐘出上方。寄語東坡老居士。江山如此莫思鄉。風涼睡美在江樓。隱隱山城見石頭。曾是昔年吟嘯地。戈船軍鼓滿汀洲。汀洲春草綠芊綿。又見承平選勝年。西掖門前綾被裏。懸知流夢過江天。

題許海秋起居

宗衡

母孫太恭人山水畫卷。先為盜竊。後又從廠市買得。

時同治三年。

南閣風流是俊人。當年挖禿定酸辛。憐君厭著黃塵帽。為寫江山寄此身。三年趙簡發奇香。梁上絨題袖底藏。此物豈容偷奪去。青氈白髮泣王郎。却後裝池了不傷。知君喜極重霑裳。圖書徧押宣和璽。賣向東京相國廊。夢斷杯椀淚暗傾。雙琴空用錦囊盛。兒嬉髣髴生前事。那記拋簾理柱聲。朱萼裁詩孝子懷。阜囊記注史臣才。獨憐紗幔傳周禮。不剩殘編奇字來。

之洞生四歲。母朱太恭人沒。太恭人善鼓琴。遺琴二見存。

黃忠端墨妙亭斷碑硯歌爲孫給事賦

葺叔淪精化爲碧。不如石齋有片石。此石來自茗溪頭。春波照影玻璃色。手寫孝經一百通。龍尾鳳味皆逃匿。墨妙之亭今榛蕪。當年運石煩千夫。漢碑聚散人不道。詩刻獨惜眉山蘇。不因硯材收斷壁。焚燼亦與嶧山俱。任城給事獨妮古。滌硯草疏筆如杵。爲訪餘石裝百衲。莫令東坡辱礎礎。

悲懷 悼亡室澣州石氏

下澤乘車素志非。遠遊歲歲著征衣。霜筠雪竹鍾山老。灑涕空吟一日歸。王荆公有一日歸行。殷貧奔走食與衣。百日在外一日歸云云。爲悼亡作。

玉筍雙垂便溘然。沒時兩鼻垂玉筍長尺許。人言佛果定生天。如何明達通儒理。不信西方淨土禪。遺囑勿作佛事。

酒失常遭執友噴。韜精豈效閉關人。今朝又共荆高醉。枕上何人諫伯倫。龍具淒淒慣忍寒。篋中敝布剩衣單。留教兒女知家訓。莫作遺簪故鏡看。空房冷落樂羊機。忤世年年悟昨非。卿道房謀輸杜斷。佩腰何用覓弦韋。

訪萬柳堂

溪堂頽盡野人知。老柳蕭疏尙挂絲。跋扈毛甞曾爛醉。淒涼才甫已來遲。文章小技猶賢相。亭榭嬉遊亦盛時。遊徧城南望城北。西涯無主孰題詩。法橋門祭酒居西涯。即李茶陵故宅。照其齋曰詩苑。在德勝門內西北隅。萬柳堂在京城東南。去廣渠門不遠。

連鎮僧忠親王戰壘

此是名王舊戰場。連村青草上頽牆。野狐爭冢拋殘骨。官馬眠坡帶烙創。能率六盟念甥舅。獨提一旅壓淮湘。秭侯只畫麒麟閣。請看中原百廟堂。

江上望荊州城

蒼籙既徂東。諸姬遂搖盪。雲夢納九流。南紀最清壯。負矣祝熊澤。封宇啓江上。藍筆逞攘別。山林頓昭曠。業業渚宮起。包廡漸倔強。蠻關巴漢險。神赫灑漳望。良弼登於菟。俊儒侍倚相。夾漢北門遠。踰淮東略廣。六國絜雄富。惟楚堪霸王。後嗣壹湛樂。止隅無遠量。青兕供射獵。黃雀昧譏謗。朝雲巫峽陰。夕風蘭臺暢。鄂君何婉孌。宋玉殊譴浪。孤簪終沈原。老師亦棄況。問天慙不聰。割地僭被誑。儻盡楚材用。秦師詎東向。湘東及銑汭。蝸角等昏妄。七澤今安流。三戶久彫喪。軍府仍上游。天塹實巨防。三楚十年亂。南郡獨保障。江步存殷賑。墟邑療潦漲。息壤古茫昧。徒洲秋悽愴。江漢日滔滔。賦詩箴佚蕩。

漢上琴臺

莊姿忘言痛惠施。伯牙輟響爲鍾期。從來朋友雲龍契。亦等君臣石水知。處默固應渾衆獨。希聲何用計成虧。推琴慷慨秦廷對。孰使謀之自敗之。戰國策·中旗推琴而對曰。君與知之者謀之。而與不知者敗之。盧抱經謂中旗卽鍾期是也。

采桑曲

紫燕對舞春風柔。風開桑眼清如油。家家矚箔急蠶事。女伴不作嬉春游。十七鴉鬟臂苦短。大婦扶將小婦挽。蠶瘦葉稀不滿筐。那有心情更迴眼。誰家游俠兒。鳴鞭陌上走。自覺口中銜石闕。不知纖條傷素手。

春日脈脈春雲陰。恨無綠綺通春心。路人千百說長短。自惜年華自不禁。君不見魯國秋胡婦。忍死不受狂夫金。

詠懷湖北古蹟九首

黃陵廟

千秋哀怨數湘君。悵望涼波落葉紛。遊幸本來殊穆滿。不才難免惜商均。同心斑竹千行淚。一去蒼梧萬里雲。獨有謫仙傳苦意。不殊靈瑟夜中聞。

屈大夫廟

心憂三戶爲秦虜。身放江潭作楚囚。在處芳蘭滿涕淚。至今寒橘落沙洲。嬋媛與歎終無濟。婞直危身亦有由。宋玉景差無學術。僅傳詞賦麗千秋。

鸚鵡洲

當塗威武傾天下。七尺書生抗老奸。濁世豺狼遊地上。清風蘭雪在人閒。孔融報國憐無智。德祖戕生枉厚顏。怨女微禽同束縛。辭家悔別隴西山。

吳王臺

一嶺如龍九曲迴。江東霸主贖高臺。終羞洛下單車去。曾見樊山廣讌開。水陸上游成割據。君臣投分少疑猜。張昭乞食無長策。豚犬悠悠等可哀。

杜征南祠

碑無文字湮陵谷。公有勳名照古今。共觀平吳功燦爛。誰知癖左智深沈。幕僚湛輩皆奇士。朝貴張華識苦心。羊傅德優才未若。遺蹤卓冠漢江潯。

陶桓公祠

江左諸軍望義旗。明公一下決安危。曾聞運甓憂勞語。可勝新亭涕淚時。虛譽回翔矻庾亮。替人辛苦覓愆期。南朝史傳多疑謗。百鍊精金後世知。

黃鶴樓太白堂

江上危磯九丈樓。雄奇只稱謫仙遊。看花送客逢三月。放筆題詩隘九州。青嶂猶橫漢陽渡。浮雲難掃日邊愁。多君詞客饒英氣。目笑蒼蠅狎白鷗。

秋風亭

寇萊公作。在巴東縣。今存。

萊公作縣種松成。靜對孤舟野水生。三峽漁樵淹壯志。千年亭榭被高名。時平自向北門臥。學晚終嗟嶺外行。安用樓臺從地起。西州魏野識高清。

赤壁東坡祠

東坡適意在黃州。夢想瓊樓天上秋。文字雖多無諷刺。笙歌既少得清游。鴉銜破紙三寒食。鶴聽哀簫一釣舟。鉤黨淘淘催白髮。西山應恨不淹留。

湖北提學官署草木詩十二首

桂

聞之春秋緯。桂連名士生。後來鄒寶輩。因以方科名。前爲試士廊。後爲退食廳。俠侍如卯妙。繚枝懸幽馨。我謂似君子。大冬猶敷榮。坐諷小山作。感茲偃蹇形。廝養不相宥。捆載戕繁英。其一子如榴。其一悴欲零。厲禁望後來。勿爲翦拜傾。

梧桐

屋阿一小樓。劣可容我書。登樓闢虛窗。闐然立高梧。席尺染水碧。瓦溝引露珠。秋風漸蕭慘。未覺根植孤。此物產龍門。百尺干清虛。牆宇遭迫迮。生氣闕不舒。側挺與附枝。一一當芟除。縱之出天表。豈無鸞鷟雛。

藤

三年一易官。一藤百餘歲。枯枿閱生人。使者累百輩。墜雨去不留。清蔭終蒼翠。春末發紫蕤。瓔珞引至地。如坐維摩床。花雨自空墜。矯矯虬龍姿。芬芳復可佩。架閣久不治。未免損奇氣。不知潛柢深。徒賞朝華媚。

蘭

楚澤多香草。一香爲之祖。風露靄清晨。靜貞出媚嫵。梳柰徒馨烈。雅鄭不同語。屏息久相對。和悅達肺腑。吾聞離騷經。動以畹晦數。何異柴與桔。車載過梁甫。及今頗衰歇。幽芳萎江渚。草木亦有心。願爲君子伍。世無屈靈均。雖佩亦辱汝。

桃

堂背種山桃。兩碧躡一紅。有如三女粲。對舞嬌春風。凝酥射豔雪。炙日愁消融。短短愈少好。能妍不在豐。向人輒欲笑。喜氣薰房櫳。所惜地渴澤。根荄未得充。十年當可殺。道常勿計功。

紫荊

賓館低於眉。門有一老荊。膚滑不留手。華爛不容睛。桃紅李能白。況茲紅白并。彩雲在天際。縹緲誰敢撻。拙匠治屋漏。一枝當南榮。悍然鋸之去。大如車軸橫。斷者不復續。泫然泣花精。感此傷胸臆。念我同根生。
余兄仲穆。去冬歿於官署。

竹

叔孫居官舍。一日必葺牆。想見無所苟。豈論暫與常。我爲百口計。前賢安敢望。闢地斬叢棘。因山築虛堂。弱植植爲藩。醜石偃爲床。石罅不宜木。斟酌栽短篁。去年美箭活。今年孫枝長。不得一對嘯。卒卒經三霜。秀外而剛中。此君勿弭忘。

蠟梅

芎藭似藁本。蛇床似薩蕪。眞贗何以別。但視香有無。何物湘色梅。的的融蠟珠。縱然芳臭勝。豈無甘淡殊。落實不可茹。搗英聊足娛。亦如含毒酖。翠羽爲世須。似龍非眞龍。貴耳良足吁。

何首烏

坡穎得土菌。自詫名肉芝。我笑二蘇妄。復蹈二蘇癡。癢圃有上藥。引蔓緣山陂。盤根肖嬰孺。疑其能嬰呢。蓀人與杞犬。同有卻老奇。兒童不知珍。把弄旋失之。我髮白可鑷。我弟亦清羸。再得烹與共。俱享黃髮期。

構

種樹不易蕃。易蕃莫如穀。毛公作詩傳。命諡曰惡木。穿牆走橫株。蓄汁蘊餘毒。時時煩斤剗。槎枿旋青綠。頗蒔佳花藥。生意常慘蹙。我僕釋斤諫。好醜皆天物。何必勞拮据。要聽同遺育。褊心不可回。替絕句萌出。

雜草木詩二首

籬落有微生。濡露亦結實。不能紅如沙。但見黑點漆。延緣何所窮。牽引上東壁。秋雨傾竹籬。萎爛階下石。附物固不長。因依亦當識。不見兔絲子。施松至百尺。

春華多在木。秋華多在草。慘如漆室女。自傷嫁不早。似得天意憐。幽冷益娟好。敗或如齊紫。素或如魯縞。黯淡抽馬藍。矜誇挺葵蓼。無意偶一溉。霜實猶未槁。穠覩世所欣。吾獨憐潦倒。

四生哀

按部所至。拔其尤異者。得高才生數十人。召來省會。爲構精舍。俾讀書其中。未及再期。物故者四人。皆上選也。方干賜第。無望於幽冥。敬禮遺文。罕傳於生後。今肄業諸生。得第若干人。而四生已矣。感念愴懷。不能已已。乃合光祿五君詠。工部八哀七歌之體。作四生哀。以存其名。

蒲圻賀人駒

弟兄多才宋韓氏，縝絳綜維皆國器。蒲圻賀氏亦不惡，駒驥駿騾俱雋異。駒之選學何便便，有如江都李崇賢。學僅千人駿爲首，子衿二百駒爲先。使者動色相歎羨，何況士口爭喧傳。驥已崢嶸登上第，坐待天路同聯翩。千里貽書招不赴，遽執殤中入重泉。重泉黓黓無朝暮，何堪此中埋玉樹。

安陸陳作輔

陳生文詞如吉金，摩拊潤澤黓而深。純鉤繡采彫羣色，大瑟動操箏凡音。文章非難孝弟難，自相師友窮丹鉛。慈母苦戒歐心血，良友不意天天年。文人知樂不知苦，河魚出膏適自煮。瓠肥玉白誰家兒，八百孤寒淚如雨。

孝感傅廷浩

欽定制義一文體，頒諸海內藏學官。理大物博小生訝，束置高閣不敢觀。傅生技紹有微尚，上自化治迄雍乾。作爲文章無人愛，如奏雅樂知音難。三詩六筆皆奇偉，鋌錙刀劍商湯盤。獨有拙書等羅趙，暗惜此相當酸寒。酸寒未已今天死，嗚呼誰與迴狂瀾。

蘄水范昌棣

河東參軍始賦江，名與元虛相頡頏。敷陳往往雜海錯，乃知擇語非精詳。當時王宅在江外，氣勢豈能籠八荒。神武中興奠江表，瀆靈效順不煩禱。黃鶴西樓選賦才，發揮地靈賴文藻。羣賢落筆皆泚泚，第一蘄水范季常。提挈七千六百里，筆開墨闔生陰陽。太沖把臂與公頷，始信古短輸今長。平生詩才尤殊絕，能

將宋意入唐格。紫府桂殿皆荒唐。何用文人供塗澤。蘅杜不春蘭蕙愁。使我楚江無顏色。

哭陳生作輔

安陸縣學生。經義治事。學舍高材生二十人之一也。文章最醇雅。今秋行部德安。作輔未赴試。問之校官。則曰。作輔於九月閒死矣。驚懊累日。作詩哀之。以示其弟作賓。作彥。

鈴閣傳聞一泫然。誰教鬼錄奪翩翩。固知珍璧非時寶。不獨膏薰坐自煎。詞賦縱懸難續命。弟兄雖雋莫齊肩。鐙前轉盡王郎塵。恰限斯人四十年。陳歿時四

江南梅子賀方回的文章是異才。已歎重陰幽玉樹。蒲圻賀生人駒。為武昌諸生之冠。今春二月閒溘逝。更堪二妙赴泉臺。滋蘭

成晦元霜酷。種柏翹柯野火摧。鍾賦蒐求都不易。嗚呼吾道豈其衰。

廣雅碎金詩三

門下士繆荃孫蒯光典陳宗穎宋育仁左紹佐汪鸞翔等校刊

恭擬大婚樂章四章

大學士恭捧詔書起。由中階降。奏又平之章。

嘉祥帝眷孚。乾始坤元合聖謨。蕃祉炳皇圖。藻景昭陳協氣敷。宣綸懷步趨。編壁葉。瑤金符。滄采煥雲衢。六禮備。兆情愉。

皇后詣慈寧宮。皇太后具禮服出內宮。奏翁平之章。

懿範雍和孝德揚。儷日月同光。承天地有常。喜洽璇闈慶未央。虔恭婦順彰。禕鞠壺儀詳。蘭馭肅。翠旌颺。紹繼徽音式萬方。

皇太后還宮。奏孚平之章。

茂典邁嬪京。任姒聯輝縟禮成。內治稟儀型。晬穆慈顏福履盈。坡埏樂晏陳葆佾。簡霓旌。璵佩節和聲。雲輅舉。月波明。

皇上受賀畢。御內殿。奏成平之章。

二曜光昭萃茂釐。乾籙啓昌期。中闈贊盛儀。肇正人倫萬福基。鴛梁愜聖慈。麟趾叶風詩。炳帝極。衍宗支。

萬葉千春海宇熙。

和王壬秋五月一日龍樹寺集詩一首

王功多楚產。君獨好文學。苑枯若轉轂。一士翔寥廓。四學並甄綜。六筆咸闕博。報罷意無悶。雅尙在述作。昨日城西集。儀璘方合朔。豈罄接席歡。孰喻傾蓋樂。高文如清風。俯仰成寄託。太息金門下。楊雄獨寂寞。極樂寺海棠初開置酒會客

今日不雨。明日復不雨。白日能笑花能語。今日不出。明日復不出。迴風舞雪隨黃土。火急邀客城西去。絳蕾如珠點碧樹。莫嫌來早香未齊。猶勝繁枝逼春暮。當年合抱二十株。主僧蛻去花亦枯。一株儼然似房老。新叢稚齒鬪娟好。憶昔上林未罷時。侍臣下直尋春嬉。五侯七貴來覓醉。棋子方褥青螺卮。卽今游賞雖蕭索。靜晝晴光亦不惡。那須銀燭按涼州。巾履徘徊到日落。秦翁白髮非少年。心情猶逐春風顛。手裂冰縑寫豔骨。碎來輒就花陰眠。其日秦誼亭被酒。離席熟睡。君不見定惠院宇今寂寥。碧雞坊底生蓬蒿。畫成題詩付老衲。要令來者思吾曹。

和王壬秋孝廉食瓜詩三首。張叔平畫圖。

晞髮簾旌卷。彈棋塵尾橫。茶湯朝客散。枕簟午風清。珍蔬傾仙液。頰顏失薄醒。餘犀猶可惜。棄置重合情。文讌曹吳樂。南皮不可忘。十年京洛客。一頃故園荒。甘脆憎多雨。瓜喜旱惡雨。青瑩掃薄霜。祇應南館下。駒帶

已緣岡。敝居在縣城南三里。當是魏文所說南館地矣。

帝里駢冠蓋。交衢犯鬱蒸。詣人泥沒馬。輟食劍驅蠅。玉椀三危露。銅盤六月冰。煩將治內熱。作頌我猶能。

潘侍郎藤陰書屋勘書圖歌。圖爲無錫秦誼亭作。

良庖炊飯先擇米。讀書先從校勘始。秕糠不簸炊不熟。有如麻沙不可讀。司農坐領天祿閣。手定中經成七略。沈約馬前途貨書。安昌堂後無聲樂。掖門散仗晝漏稀。藤陰滿地鳴鷓歸。閉門發篋謝賓客。泠泠水石風吹衣。譌文改定七百字。疾如槁葉隨風飛。豈知把筆不妄下。祕本參檢累百架。西州不恨漆簡殘。過江能辨壺盧詐。乾隆四庫求遺書。微聞寫官多魯魚。安得公等爲典校。盡剔魚目還珍珠。我如邢劭不精詳。懶捉秃管施雌黃。窺日觀月各自快。未知南北誰短長。此圖事韻畫亦好。如見斜簪王仲寶。百宋千元畫裏看。翻對此圖恨秦老。

送王壬秋歸湘潭

王爲某故相客故有中郎之感

鳴華鐘。調素琴。漆室老女方哀吟。不嫁不悲好顏色。不知何事傷春心。春心千里歲華晚。洞庭風起白波卷。游子對酒思故鄉。秋士登高悲送遠。不如一觴歡今夕。此會不比新亭集。橫流能無滄海憂。陸沈差免神州泣。情懷難遣游梁人。聲價猶同入洛日。機雲入洛正青春。屣履公卿競到門。東宮絕豔徐陵體。江左哀思庾信文。筆豪費盡珊瑚架。墨瀋書殘白練裙。璧月如花照瓊樹。漢皇好文偏不遇。談經何意動紅陽。獻策豈能感楊素。貴游偶壓五侯鯖。微識早成豪士賦。作賦雕蟲悔誤身。橫刀負羽恥依人。河北軍中呵太守。征西坐上笑參軍。十年偃臥衡山裏。侯王徒隸嶢嶸起。已知馬槊勝文章。猶倚儒冠悔兵子。鄉人不

薦馬長卿生意刁騷般仲文種柳江潭忽已老蓬萊再到今揚塵開關北來誰共語朝野歡娛奏鐘鼓千
 官重見漢威儀故宮仍是周禾黍王秋新製圖明圖詞·為人傳誦詞客弔奇偶經過野望蒼梧涕淚多不信穰災憑屬玉
 竟符妖讖陷銅駝沈炯登臺空拜表梁鴻過關獨哀歌哀歌莫被中朝怒拜表幡然念鄉土淮南叢桂娟
 娟生不樂留住長安城秦嘉上計終思婦王式徵來本強行九疑窈窕湘波綠高樓正臨湘水山女兒授
 學書滿床小婦彈箏美如玉儲添鴻寶付名山會聽蒲輪動空谷君去江干蘭自芳君詩蕩氣更迴腸欲
 從無奈湘潭水我亦金門執戟郎

潘少司農嗜鄭學名其讀書之室曰鄭龕屬掖張君据高密漢人石刻畫像模寫為圖以同治十
 一年七月五日康成生日置酒展拜會者十一人因題小詩

戎馬周旋劉使君幅巾長掛大將軍後生不會雄奇意但道研精注典墳

趙碑亡失史碑荒澠水沄沄繞禮堂尚有典型在圖畫高齋親炷漢宮香洪駒父香譜·有鄭康成法漢宮香方·又見墨莊漫錄

新春二日游慈仁寺謁顧祠

悴節常苦寂歡辰常厭囂東風悅士女歌吹嬰春朝街西獨閒曠不與遊人遭禪關驚臥鹿登然破寂寥
 庭陰貯餘雪渾瑩不受雕顏檐有凍溜髡樹無柔條緇徒閉戶睡爐火細欲銷寺後有廢邱觀闕見峩峩
 梵容闔網戶讚頌遺先朝何年廟市徙求書琉璃窰春鐙照百貨車馬如乘潮雙松適靜性仍伴枯僧寮
 儼如魯雨生偃蹇不可招又似二詩老偏強島與郊返景落樛幹態色出蕭騷籠袖且久立已聞粥鼓敲

豈惟肝肺清。坐使榮觀超。獨畏菰中人。剝啄致譏嘲。亭林著有菰中隨筆一卷。取東吳菰蘆中人語。

題彭待郵畫梅。畫爲何人所藏。其人亦能畫。今憶其人乃謝驥伯也。

春分三日雨雪霏。閉門蒙幕籌熏衣。忽撐冷眼看冷畫。怒蕊貼幹交柯稀。此花倔強如此老。老將畫筆龍天矯。暈墨偶用華光法。放筆羞摹仲圭稿。但見嶺頭月掛樹。不知世上霜殺草。豈止霜寒冰已堅。長松巨柏今凋殘。時曾文正公新薨。獨持幽豔媚空谷。石腸玉貌無人憐。日日畫梅萬毫禿。寶刀繡澁脾生肉。西鄰有客喜貞苦。故遣驛使慰幽獨。君欲報此一枝春。何不畫作孤生竹。

南窪修禊送客

今年節早春翻遲。枯槎細草無春姿。枝頭嚶羽得氣早。呼羣共逐新晴嬉。人亦如鳥愛朋類。佩壺步履將何之。城隅積水八寸綠。照見鳧鷖白如玉。高軒恰可臨漱浣。淺瀨聊堪濯纓足。足底葭萌何短短。碧煙如縠畫陰煖。燕郊日日多風沙。對此風懷復不淺。君不見漢鞞衣冠灞水游。唐京花柳曲江頭。會稽內史好感慨。臨觴把筆生春愁。人生離別動千里。良辰勝集能有幾。不信離愁日夜生。試看蘆芽長春水。

秦子衡爲孫駕航畫崇效寺丁香海棠卷

奔走幽僻尋春花。白紙坊下逢僧家。禪房晝掩草斷路。幾年不見金犢車。朽株臥草強八尺。當年曾媚嬉春客。小叢薄豔不成嬌。婀娜銀駒黯石墨。王滄。朱地。種花留詩句。翁溪。吳屋。題詩補花樹。兩燕來游尙有花。和詩寫花費豪素。丁香麗艷千株圓。海棠霞暈扶春煙。至今紙上鬪香色。疑驕似妬如能言。

國初可憐多詩老，翁吳後來才漸小。祇今又作古人看，爭使紅芳不枯槁。勸君莫問西來關，壞壁空廊宿燕鴿。唐賢石刻苔錢生，故相榜書蛛網絡。京洛歲歲花連天，只有才調慚前賢。此圖不滅花不老，人物蒼茫二百年。

和潘伯寅壬申消夏六詠

揚銘

鼎彝何足好，所好其文字。款識多通假，往往證經義。高館擁法物，拊手瑩紫翠。莒鐘尤突兀，樂于符往制。千載未入錄，呂薛盡失氣。犧尊逢劉杏，贗鼎避展季。宣和六千種，終當歸羅致。我愧張子高，空讀美陽器。

讀碑

訪碑窮寰宇，乃至陽關外。裴岑已數見，高昌徒靈怪。唐侯君集平高昌碑，不可搨，搨則有風電。伊吾漢屯官，侯獲有遺愛。幾見青海枯，未令白石碎。窮邊紙墨麤，波磔半明晦。箝口更畫肚，率然以臆對。寥落得三行，官闕已備載。請君致精本，方知非傳會。第三行模糊特甚，釋者言人人殊，余定為李廉苗邱烏埒張掖長九字。

品泉

祖約 杭駿 世 皆錢癖。所愛當時錢，學人獨倭古。嗜好殊薌羶，大者如書刀。齊刀莒刀之類。小者如綫環。綫英蟻鼻之屬。奇品直斤金，當千何足言。隋譜久亡佚，洪志徒誕謾。初圖。翁泉 宜 戴牀 鹿 劉庭 燕 李朋 竹 哀鳩成一編。豈惟辨么壯，史代資考研。寶儀號讀書，猶漏公祐年。輔公祐紀元號乾德，不獨後蜀。

論印

嘯堂錄古印。尙不及先秦。豈知蒼姬物。纍纍彌足珍。吾衍剞異說。鑿空徒紛紜。學古編謂三代無印。璽書與爾節。乃忘經傳文。遺範述斗檢。土花猶璘彬。偏旁多移易。往往窮解人。繆篆印不必合於古六書。繆篆已絕學。殊異亦書云。
陳卿詩。吳苾。勿侈大鼎足將在君。陳得周印二。吳得周印六。摺摺文有印字。是周有印之證也。

還硯

往年孫給事。示我石一枚。書碑出東坡。琢硯得石齋。兩賢相映發。可以敵瑤瑰。大屈竟復反。連城終歸來。吳興渺賢守。螭壁叢蒿萊。當其伐山初。豈期爲硯材。宋刻已斷爛。漢碣宜沈埋。費鴻碑。徒憐漢皋曲。玉筍生青苔。湖北天門縣漢水畔有熊氏園。園植一石。乃墨妙亭物。削長四尺。分書題名曰玉筍。余訪得之。

檢書

麗色若可餐。佳墨若可吸。亦如舊槧書。未讀神先悅。窅然蠟鬚館。插架齊棗稅。上攬宋東京。下羅明中葉。大盜燬江左。書種奄欲絕。天一旣雨散。士禮久煙滅。掇拾甘破產。收買及斷缺。借觀君其許。一甌吾已設。

曉起至石閘海看荷花。奇克坦泰觀察邀入水軒置酒。

鳳城傳輪烏鵲起。樹杪晨光變青紫。地安門外千石陂。壓地紅雲不見水。水足葉大花房深。初日流照開花心。暗有小風動疏葛。踏盡沙隄高柳陰。最勝橋東第一宅。青衣拔關出延客。露香滿空冰紗室。綠窗交瑣生顏色。雲錦炙熱赤輪午。鈿車蹴起大隄土。支床拂簟看遊人。不知門外揮汗雨。凍醪飮果金鱗鮮。主

人爲我償酒錢。王猷看竹不問主。乃知何代無高賢。多謝主人太勞劇。不如爾我適其適。何不捨宅爲酒樓。乞與都人過伏日。

病起遊諸寺

病夫多道心。止觀自生靜。偶然憶蘭若。獨往取適性。敬愛東固佳。石壁西亦聽。不必攜賓朋。何用恩禪定。心冥風動旛。機息鳥驚磬。黃葉下虛廊。迢然發嘯詠。訖遊不見僧。卽此安心竟。陋哉杜紫微。空門贊名姓。送同年楊少卿由戶部主事呈請改官開化縣令

舊是郎官宿。今爲枳棘棲。荒城猶犖确。春隴始鋤犁。早蓋鞭笞靜。青山笠屐攜。懸知詩筆好。題徧浙江西。

題董研樵玉泉院聽泉圖

畫一石谷中。嵌隙搏睡像。

空谷老仙好野睡。不聞震雷與鼎沸。水閣一客擁柱吟。獨覺風泉勝鼓吹。世閒誰妄定誰真。都由六鑿生根塵。若聽清音道可喜。行逢鼃黽耳須洗。察者多思蒙者適。不如看山枕白石。世尊聞鐘問弟子。此聲在鐘抑在耳。在耳將奈羣聾何。在鐘衆聽胡相似。此圖百道飛鳴玉。我欲聽之寂無物。主人看畫思舊遊。髣髴妙音發琴筑。漠者不應感者求。不逢知己徒煩憂。

題董研樵太華衝雪圖

白日無語天雲同。浩然忽憶蓮花峯。望之纖製類仙子。縞衣練帔凌虛空。大麓乍叩玉泉院。棄基更求集靈宮。冰墜石泐馬蹄蹄。賓從斂手無能從。獨裹旃裘結膝屨。濟勝之具天所豐。樵蘇不出行迹滅。往往虎

內同參糜蹤。噓氣在鬢作集霰。懸瀑凍澗僵長虹。紅衫躑躅出林表。那惜素面勞寒風。舍馬而徒更十里。乃拂落雁過蒼龍。懸緣猱附兩俱絕。鐵絙下引天能通。金神逃匿博箭爛。玉女老禿天漿封。回頭胸慄不敢視。千里銀海欺青瞳。巖阿道人拔關出。瞠目訝是真靈逢。忍饑不聞噪乾鵲。閉蟄免使愁元熊。下觀三輔只窪垤。飄飄便欲游鴻濛。何用投書駭世俗。自厓而返亦已雄。歸來人家皆偃臥。呼酒百倒頗黎鍾。趾駁手圻定始覺。襦袴更取桑薪烘。看山琢句鬪清峻。槎牙咄咄生心胸。兩過華陰不登眺。悔我前日殊怱怱。貴人遊山待供帳。如此幽險誰能窮。伸圖洗眼真歎絕。天下健者惟董公。

九日慈仁寺毗盧閣登高謝慶伯何鐵生陳六舟朱肯甫董研樵陳逸山王廉生同遊。

吾欲反悲秋。秋氣實快哉。木落天雨霜。萬里無氛埃。志士如黃鶴。人海厭沈埋。且登三藏閣。何異九成臺。磴道既多剝。步櫺又已摧。秋花亦疏薄。辛苦殘僧栽。紛然儔侶集。解帶傾尊罍。晴空擁太行。萬馬脫銜來。蘆溝濁似湯。薊邱低如坏。決雲一雕起。拂霄羣雁排。逸氣翔寥廓。頓使襟抱開。諸公皆能賦。一一大夫才。下視九陌人。營擾徒喧豗。年年有重陽。望古令人哀。此寺盛明季。法筵闕如雷。國初猶莊嚴。廟市奇書堆。亭林質廡住。漁洋遊春回。近日壽陽相。重復闢蒿萊。坐客皆龍虎。石洲陳頌。朱伯韓先曾正。梅伯嘉會已陳迹。行徑生荒苔。各自有千古。恨不相追陪。撫此白露零。感我元鬢衰。靡靡枝上葉。常被商聲催。請看雙虬松。鐵幹無摧頽。牛山景下泣。秋井杜銜杯。二子孰爲賢。悠悠非我懷。

題潘伯寅侍郎極樂寺看花圖卷。

西郊密春雲。出門澹塵慮。陟原得清曠。卽麓轉盤互。漉漉循澄流。藹藹見嘉樹。南直貝子園。北眺西涯墓。
鬱鬱鬢陀林。諸天散香霧。喬幹膚敲繭。灌叢容妍媸。哲王珠榜書。成哲親王題楊經師松牌句。洪稚存詩在壁上侍郎敬愛
客于野集簪履。鳴珂儻從屏。行廚觥籌具。所憾期集遲。絳雪紛委路。撫柯倦勝賞。駐景託絹素。前遊值始
華。嘉會我未與。後游已爛漫。良辰薄春暮。令姿少長年。畸士艱良遇。主僧笑我愚。狂華擾眞悟。請圖鎮山
門。永敕善神護。俯仰成今昔。興懷等禊序。穠華有枯苑。妙墨無朽蠹。授簡不能辭。竊比寒具汚。

過華山

不計艱危始見功。發狂華頂有韓公。靈降佛骨頑馴鱷。始信昌黎百世雄。
亂世酣眠澗谷幽。承平策蹇汴京遊。救時悟主都無策。終是神仙第二流。

驪山

不見靈巖疊嶂雄。又無湖澤映離宮。五朝心醉驪山好。都是勞人使鬼功。
由余見秦宮室。曰。使人爲之則勞民矣。使鬼爲之則勞神矣。

灞橋

長虹不雨臥晴瀾。細柳因風拂馬鞍。殘月酒醒詞意好。汴京不似似長安。
祖帳征夫怨別離。騎驢孤客苦吟詩。誰憐灞水傷心處。見慣降王繫組時。

馬嵬驛讀壁上石刻詩

玉貌從來善累身。歐公崇徽公主手痕詩。玉顏自古爲身累。楊妃更累帝蒙塵。香山歌曲陳鴻傳。悽感何干到小臣。

劍閣

劉宗北去李雄來。縱關昏狂行昶哀。幾見一夫當道守。徒憐雙劍倚天開。雨昏峻壁撐生鐵。石轉飛流響怒雷。莫道勒銘迂闊語。安危誰是濟時才。

眉州三蘇祠雲嶼樓

祠與試院鄰。有門與祠通。

坡公南歸老陽羨。買宅不入竟折券。迫逐未安白鶴居。結銜遙寄玉局觀。樂城終見子孫長。斜川差有水竹戀。我岷西望徒懷鄉。豈意鄉人作祠堂。堂上骨肉盡合食。庭檜夾侍蚪龍翔。樹茂竹美人未足。並鑿兩池起華屋。蜀菜可薦三春芹。假山猶是千年木。木假山今見存。諸賢魂魄儻樂此。想見張髯并捫腹。入門

楸花粲春風。花飛入水波涵空。西池竭澤窘魚子。東池吐溜歡鳧翁。文書遮眼黑如蟻。刮膜賴有一泓水。

門外謝遣立鵝人。脫冠去佩漱清泚。三年皮骨嗟空存。半日燕閒曾有幾。共我登樓有衆賓。毛生楊生詩

清新。范生書畫有蘇意。蜀才皆是同鄉人。仁壽學生毛席豐。綿竹學生楊銳。華陽學生范裕。皆高材生。召之從行讀書。親與講論。使學經學。昔聞采石張文謨。

高唱呼起謫仙魂。主人未半朱竹君。座客已三黃景仁。蜀產無如天水盛。氣節文章多可敬。紫巖父子亦

世家。雁湖兄弟仍同姓。景仁忠直雍國功。都與三蘇相輝映。名山大川靈氣長。誰道後來終不競。思賢懷

古難久留。囑付道士祠春秋。賦詩不敢寫祠壁。作俑勿隨何道州。何有詩版。在西池上。

滁山書堂歌送吳仲宣尙書東歸將寓滁州

蜀人八年夜安枕。蜀江三月花如錦。軍府熙熙好爲樂。卻念園蕪厭官廩。此邦安危仗才傑。花縣相公會

持節武功才竟未修文前哲遺憾待來哲譬如病後須淳糜公以寬大蘇創痍流馬餽軍箕谷口繩橋度

士瀘江涓授秦授黔防隴防滇灌瓜善鄰真古誼遂平河隴西南夷秦隴滇黔比年以次底定均仰川饋黔秦並仰川軍四封無警草木喜公謂

教行方俗美黃龍清酒無桀驚四廳五屯土司蕃夷種人帖服無事或小紛紜皆以時撫定安堵白狼槃木解文理松潘所轄夷酋十八請內附為請增學額衿

佩青青附景來傑閣隆隆切雲起瓶尊經書院建經閣自發琅環三十乘善本流傳親勘定設書局刊書取坊行說文為之校正經

例遠沿金陀坊刊岳本五經史闕重補汪文盛刊四史明汪文盛刊三史號善本其餘祕裘何紛紛都是昭裔傳家珍刊文選諸子集之類

已賈刀布遺博士捐巨金增廣錦江書院香火更薦犬酒祀經神尊經書院製木主祀蜀中先賢經師石室禮壁沒春草安知繼起非今

人時清臥治亦易了何況神觀未衰老忽憶家園萬牙籤蛛絲蠹跡無人掃藏書甚富皆舊聚善本滁山深慰滁泉

香中有尙書讀書堂宋槧明鈔四羅列朱履白髮中徜徉不惜餅金購一軸充棟都會經手觸玃坐牙旗

十五年長物止此堪夸目我亦癖書如琳瑯享帚狹陋良足羞監酒載書儻許借他日準擬相從游猶憶

徐方驛騷日萬家大縣賸十室不有艱難百戰人誰翦荆榛換黍稷老熊在鎮孰敢過東至於海西於河

淮泗口塞七國敗功伴條侯當非阿淮泗口即今清江浦功在江淮德在蜀年年俯仰飽餐粥巨人長德非空言歲

星所躔國有福去年德音罷露臺片疏回天赦窮谷內務府行文令四川采大木修圓明園公以今四川山中無大木奏寢其事春水方生公去

時萬民戀母士戀師即今說尹不去口何待去後方見思去思勒碑深不磨功成身退能幾多請張祖帳

青門畫遣唱驪駒王式歌有詩留別書院諸生諸生人有賀章

嘉州酒歌

四川渝酒頗有名，重慶所釀也。嘉定酒最清雋，罕有稱者。余平生好爲表微之論，作歌張之。

蜀江濯錦賦春水，薛濤井出桃花紙。青衣來會嘉州城，雙流停涵水味美。凌雲山下碧深深，照見窈窕峨眉陰。作酒不待兒女嫁，家家釀出如黃金。薛能陸游醉忘返，薛陸皆有詩，甚贊嘉州酒之美。豈知今日尙有北客來知香。

蜀人喜誇渝州酒，不問一石泥數斗。平原督郵不到臍，濃醖只入貴人口。渝酒濁如蘇合油，嘉酒清如雞鵝頭。先取麴米浮脂好，次取江面回波柔。儻教李白遇此味，蘭陵不作他鄉遊。吁嗟乎，富春下若今已渺，鏡湖一水天下飽。世俗隨人作短長，口腹毀譽亦顛倒。不惜釀者難，但傷嘗者少。把酒歌殘不忍傾，天涯何地無芳草。

攜家住桂湖

時余由四川提學報滿還京，住此兩夕。

新都明賢相，定策誅羣邪。升菴亦通才，萬卷丹鉛加。有園不得歸，塞耳禮訟譁。空第作傳舍，後人攀秋花。過客聊寄帑，故相不爲家。慘淡環幽香，自照淥水涯。雖非平泉水，固勝拙政茶。回文何哀怨，金齒日已斜。名福古難並，少取徒咨嗟。

遊紫柏山留侯祠

祠在辟路旁。

雲麓標隱居，喧喧臨孔道。成功辟穀人，胡不尋幽窕。稍有一壑秀，猶感層巖少。森森庭柏竦，涓涓砌泉繞。劉樊吾未能，弛擔暫亦好。可惜公強飯，牽連累四皓。如意類龍顏，羽翼何顛倒。徒拋紫芝香，終望赤松杳。

住喜雨亭

來時雨洗竹，歸時雪壓松。余以癸酉秋充四川考官，過鳳翔宿此，時值霖雨，丙子冬由蜀還京。來無賓客伴，歸有妻孥從。豈作三宿戀，樂追前

遊蹤。荒池幸未涸，雜樹且蒙茸。簽判本贅旒，仙人得從容。庭陰讀詩碣，憶弟城南峯。秋雁獨耐冷，不覺菊

酒濃。東坡詩刻花開酒美何不醉，愛上南山冷翠微，憶弟心隨雲不散，思鄉魂與雁南飛云云。石在亭下。我有同遊弟，陶然傾一鍾。六弟閏濤從行。

遊東湖

鳳翔唐右輔，水土頗豐潤。岐亂宋亦遠，寺閣俱灰燼。城隅一湖存，隈隩淺數寸。近日佳太守，亭榭緬高韻。

湖上亭館，為太守李愼勤伯修葺。竹樹偃積雪，瓊枝傷蹇困。持綸不得下，坐被層冰悶。僕馭促早發，寒具聊強進。八觀縱奇

偉，在亡不及訊。白鶴凍不來，朝鴉謹成陣。

華山下玉泉院

我想玉女峯，上有真仙家。意欲挈細弱，同昇餐紫霞。既到碧琳館，遠見青蓮華。獨步敬之賦，俯視定非夸。

人道蒼龍嶺，石梁如飛蛇。秋風懸鐵絙，猿獠猶敲斜。躡屨誓獨往，三日未為除。誰謂餽糧艱，遂被山靈遮。

登山往返須三日，家人車馬，留滯山下，費用甚繁，遂不果往。夜望集仙闕，月明雲路遐。

褒城

谷口三皇事已奇，又占王霸獵雄雌。屯田征伐無殘壘，關道開通有斷碑。此地戰爭如鬪鼠，何人威略等

當熊。深山破驛尋題壁，可有憂時似可之。

登牛首山望終南曲江樊川輞川作歌。

我升燕臺望太行，西旋北繞如龍翔。今登牛首望秦嶺，南面連橫如堵牆。截然平壤起都會，桑乾渭水渾流黃。幽雍以外降一等，汴京釜底洛土囊。金陵僅棲偏安主，便有陂陀號龍虎。臨安湖山最靈秀，低首稱臣翫歌舞。乃知邱壑與湖溪，止娛寒士遊醴雞。文章綺靡士氣薄，市廛僞巧民心攜。赤烏草草樊山駐，烏喙鬱鬱會稽棲。平城廣莫魏滑夏，和林荒苦元開基。遼金並起黃龍外，周秦先居汧渭西。建國由來戒沃土，勢高氣厚人文武。潤色繁華由後王，當年山川本樸魯。關中今亦少王氣，奧區自全非上計。持戟百萬無定形，以雍比幽廣狹異。小儒論都逞文才，欲建行宮望幸來。小戎不敵回紇馬，陸海已盡南山材。方今天子守四海，提控豈在西秦隈。碣石難將渤海阻，九泥豈禁函關開。後擁突騎護遼瀋，前調兵食收江淮。一朝立國有根本，況復駕馭今恢恢。守國在德亦在險，大險惟有軒轅臺。

看法源寺松懷亡友陸廣甫

爾巖

我僧法源寺，車喧馬如龍。獨有賞會處，門下四五松。霜皮白可掃，高秀出沈濃。六月坐其根，火宅失蘊隆。念我素心友，清遊每相從。一貫內外學，見佛不忘恭。往往舉一義，老僧攝箭鋒。二程較溫厲，優劣猶挂胸。何計左右門，直會南北宗。彈指成去來，馬鬣秋草封。欲辨誰爲質，惠施難再逢。撫此支離樹，老壽無春冬。

攜家遊江亭

看山宜伴不宜獨，如得異書須共讀。家有良妻薄名利，拙不能詩亦不俗。城南賃屋陋如巢，庭狹字卑無草木。共載始來荒陂下，已有清輝炯心目。西廊虛敞列義眉，近葦遠山等一綠。所惜簷翼未深邃，晚照炙

窗不可觸。北軒納山兼納風。又恨城闕多瓦屋。朝坐西南暮北軒。竟日遊行意未足。粗婢煮茶羅酒棗。山光映鬢青可掬。館職調馴十七載。野性仍難變麋鹿。只合冀缺安耦耕。提攜饁飯治場穀。不然便學龐居士。對屋參禪斷葷肉。欲歸無山亦無田。偕隱且卜香山麓。

題湖州趙忠節公景賢圍城蠟書遺墨

忠唐挫羯數睢陽。尙待昌黎爲表章。生遭突圍亡廟食。恩波如此感先皇。

海鹽沈文節公。以廣西學政被執不風。欲謀內應討賊。事泄遇害。其

蠟丸書稿。亦蠟頭細書。今存其家。

花之寺看海棠。坐中董兵備將有秦州之行。

春光如箭去可惜。有如千里遠行客。主人惜別並餞花。對此都能飲一石。新陰嫋嫋燕雛語。脂光澹薄無幾許。石氏珊瑚強護持。闌樓紅粉含悽楚。乾嘉遺老南城會。腰纏十萬來廣陵。日攜姝麗到花窟。寶箏瑤席驚枯僧。墻頭詩榜黯塵土。繁華轉眼如風燈。承平仕宦得游讌。不解守邊事征戰。今日男兒重功名。豈惜穠華如飛霰。人生美官誰不求。涼州美酒能銷憂。花好亦如盛年好。莫遣沙場空白頭。

董研樵先爲甘涼道。以憂歸。服闋。授秦階道。意頗鬱鬱。

送研樵前輩之官秦階道

侍從能文學。嚴徐與等夷。冥心玩蒼雅。刻意發歌詩。出塞腰懸印。還朝鬢有絲。知君行帳夢。如在國門時。

朝命兼邊寄。君行不可留。酒杯排日醉。花事及春游。寂寞金門隱。蒼茫隴水流。晨星朋輩少。誰與解幽憂。
已受花門款。洮西尙戰場。燐飛沙積火。馬馱塞垣瘡。幕府勞神筆。營田困見糧。安邊囊底策。儒者豈無方。
少陵流寓地。君又向秦州。作吏偏乘障。耽詩易得愁。荒苔耿碑石。廢盃隗宮秋。吟咏兼書簡。無忘付置郵。

哀六朝

古人願逢舜與堯。今人攘臂學六朝。白晝埋頭趁鬼窟。書體詭險文纖佻。上駟未解昭明選。變本妄託安
吳包。始自江湖及場屋。兩漢唐宋皆遷祧。神州陸沈六朝始。疆域碎裂羌戎驕。鳩摩神聖天師貴。末運所
感儒風澆。玉臺陋語執袴關。造象別字石工雕。亡國哀思亂乖怒。真人既出歸煙銷。今日六合幸清晏。敗
氣胡令怪民招。睢水祆祠日衆盛。蠟丁文字煩邦交。笛聲流宕伶歎樂。眉鬢愁慘民與謠。河北老生喜常
語。見此蹙額如聞梟。政無大小皆有雅。凡物不雅皆爲妖。願告禮官與祭酒。輜軒使者願科條。文藝輕浮
裴公擯。字體不正漢律標。中聲九寸黃鍾貴。康莊六達經涂遙。寶錄縣縣億萬紀。吾道白日懸青霄。

永歎悼亡室福山王氏

重我風期諒我剛。卽論私我亦堂堂。高車蜀使歸來日。尙有忠孃斗麴香。
妄言處處觸危機。侍從憂時自計非。解識籌鏡悲憤意。終羞攬袂道牛衣。
門第崔盧又盛年。鋸耕負戴總歎然。天生此子宜栖隱。偏奪高柔室內賢。

題常熟會退菴山莊二圖爲聖輿刑部作

趙策三年出袖中。知君觀畫意相同。喜神無恙園林在。今日潛夫有父風。時聖與下第將歸。

虞山文物半榛蕪。神護樛枝桂二株。展卷忽然成感慨。東臯還有草堂無。

立秋後二日。同謝麋伯朱肯甫吳清卿王廉生至石牖海上游泛舟。坐漁家秦氏園。日暮方歸。

東城廉公堂。萬柳皆臨流。南城梁氏園。曾泛漁洋舟。百年變陵谷。塵屎沒馬鞦。九門盛車騎。馳逐無時休。舟蛟守蒲澤。獨得江湖幽。玉泉匯兩派。溶溶通御溝。坊市漸疏闊。平波轉清瀏。輕舸無蓬楫。亦足供拍浮。塋微鑿鯨鯉。振盪隨鳧鷗。紅疏澹酷日。綠淨張新秋。松湖恨有際。迴棹聊淹留。誰析杖拏辨。且諷濯纓謳。漁人期足魚。醉飽他何求。願分主人榻。恣我清夜游。白日去如擲。爲此兒嬉謀。犀首幸無事。姑以寫我憂。

戒壇松歌

策蹇尋山冒殘暑。食宿招提已四五。仙嶂靈湫那得逢。枉使人畜渾汗雨。精廬雕飾爲檀越。佛衣彫剝見黃土。佛法一線在戒壇。叩門先聽松聲寒。橫廣平臺五十步。穆穆護法排蒼官。墨雲倒垂逾萬斛。壓折白石回闌干。潮音震盪纖塏掃。氣象已足肅羣頑。矯如神龍下聽法。赫若天王司當關。十松莊慢皆異態。各凌霄闕蒼黛。一株偃蹇甘獨舞。不與羣松論向背。此樹問年臆可知。開皇下迄耶律代。門內白足鳴鼓鐘。年年傳法欺愚蒙。何人飽食攜坐具。享此萬壑清涼風。風動樹開見山趾。帝畿浩浩窮百里。長波如帶抱壇來。歷劫不枯桑乾水。回望西山衆精靈。只如房蠶與穴蟻。彼法開山信有人。善踞靈奇爲栖止。定知末法三千年。法終不滅松不死。

偕張繩菴遊潭柘寺看松月

潭柘門前月照松。驪珠吐耀舞羣龍。安排掃地通宵坐。莫急僧樓夜半鐘。
累代莊嚴抵布金。窮山澗澗造叢林。能吟堪畫無多處。只有山門百步陰。

輓吳圭菴 觀禮

識君日淺見君心。兩疏憂時壯翰林。交徧公卿無詭合。久更戎馬轉湛深。憐才會叶巫咸筮。君與對試。有綿竹楊生。高才不遇。君深自告。貢。至於下泣。敦舊親調子敬琴。謝摩伯前輩病歿。君經紀其喪。使府三良同一厄。秦川嗚咽隴雲陰。君與摩伯及張兵備樹內並卒。期月。

合肥李相太夫人八十壽詩

八座焉能比盛隆。五朝親見更誰同。恭逢辛卯生明夜。初二日妙契庚申駐景功。李太夫人庚申年生。聖佐簡姬天咫尺。家兼周召陝西東。邦畿鳴雁今康樂。願戴慈雲頌闕宮。

天寧寺紫藤花

春事如駒不留影。藤花爛漫只俄頃。芳妍可賞才五日。常畏陽驕與風猛。此遊正值穀雨過。丈室吹香畫漏永。繚絡菩薩低垂鬢。鱗甲蛟螭曲宛頸。密葉張幄已交蔓。細蕊編珠猶附梗。恰無車馬來喧闐。黃蜂蕊蕊白日靜。玫瑰作甘稍塵濁。醅醢似酒或酪酏。此花雖甜幸不俗。蕩魄攝心由自領。功德能破定僧禪。蒲團觀鼻須警省。狼藉一斗無人惜。持歸調酥煎作餅。


遊淨業湖訪法梧門故居不得


闕下有滄浪，森森不可涉。盛此十頃碧，清光漾城堞。詩龜今在亡，乾隆數中葉。蒙古老祭酒，愛才喜容接。投贈四海徧，英靈滿箱篋。孤寒生羽毛，名譽在齒頰。滿洲鐵貴盛，治漢軍朱豪俠。純孝三賢相羽翼，倡和律呂協。開門香滿湖，官退心自愜。前有西涯翁，餘韻遠可躡。賣文亦雅操，姑勿責調燮。故宅俱渺茫，漁村荒苕萋。迎日翹朱華，其下萬綠疊。適然驚翠鳥，掠水起還貼。僧寺啓北戶，風善不用箴。此地多戚里，珂馬日蹀躞。遊客但裸飲，顛倒巾與屣。誰會思古心，水花賞眉睫。吟咏固無用，且免勢餒懾。我來常苦遠，暮愁風雨霰。終當移家來，租屋弄舟楫。



33
L4
:2539

廣雅碎金附錄(一一)
榆園雜興詩





叢書集成

初編

主編者
王雲五


商務印書館發行



廣雅碎金

附錄

(二)



3 0646 3399 7

張之洞著

廣雅碎金詩四

門下士吳兆泰黃紹箕江逢辰屠寄伍銓萃吳德

詠史

賈誼

遭逢聖主落江湖。年少多才豈不祥。自古孤根難獨任。堪嗟同姓楚蘭芳。

漢文帝

救時黃老愧純王。款敵和親計不臧。北宋昭陵知此意。書生何用苦雌黃。

陸賈

調和將相賴良媒。寶劍黃金捆載來。從此海南誇寶玉。使車爭指越王臺。

司馬相如

傳遞琴心作上賓。吹噓賦手藉閹人。餘辜留藥言封禪。誤到唐元與宋真。

叔孫通

縣蕪忿忿帝改觀。兩生偏道百年難。不知禮樂扶開創。陋絕寒儒二寸冠。

東方朔

廣雅碎金 詩四

五七



52258

083
112
2:2340

上林苑與主人翁。正諫難言譎諫從。不到韓公憂鬼怪。誰知曼倩果猶龍。

劉向

父矢忠良子黨新。五行七略卻無倫。傳家不獨遺經貴。恐有含飴淪牡人。

楊雄

寂寞猖狂作亂臣。苦搜奇字美亡新。成都不少文章士。淺陋何緣動富人。

馬武臧宮

講藝投戈閉玉門。燕然勒後弛邊屯。黃巾甫滅涼兵亂。從此胡塵洛下昏。

李商隱

芙蓉霧夕樂新知。牛李裴回史有辭。未卜郎君行馬貴。後賢應笑義山癡。

房元齡杜如晦

笙磬無徵帝寵優。家聲並隕士林羞。當年參佐宏文館。多少功名出射鉤。房杜之子。皆以反誅。意有道家陰禍歟。

唐明皇

正本安邊有大猷。空談吏治兔園搜。請看安史蕃回亂。可惜顏元典郡州。

張九齡李德裕

流人遠惡盼還鄉。甘露通誅到會昌。賢相蕭條憐末路。贊皇李與曲江張。曲江建議。謫官不得與善地。武宗時。劉稹平。賈餗。王涯。親屬匿。

游府者，
皆誅。

李泌

衣白山人御輦乘，重來仙翮困騫騰。衡峯嵩室無緣住，歎惜何人悟懶僧。

杜甫

稷契尋常便許身，忽儕孔跖等埃塵。雖高不切輕言語，論定文人有史臣。

裴度

早定淮西晚薦賢，旁看閣禍午橋邊。汾淮泌費無安枕，忍痛良臣學老聃。

李吉甫

元和漸解武夫權，郡縣成書會計編。牛李宗紛紛攻執政，後來相業果誰賢。

陳子昂宋之問

文人夸誕騁虛辭，多少緇塵浼素絲。伯玉幽貞孤竹詠，延清鯁直老松詩。

白居易

海圖題詠見憂思，浪攪天吳悔已遲。亦有刑天精衛句，千秋獨誦白家詩。

張九齡

辭達風清兩義均，輕縑大練濟時臣。微之浮豔荆公險，敢告衡文薦士人。

陸贄

稽神說鬼費搜尋。總是孤臣悄悄心。爭似忠州方藥好。活人猶比狄公鍼。

誤盡

伯厚多聞鄭校讐。元金興滅兩無憂。文儒尤散姑消日。誤盡才人到白頭。
淮譁蜀亂毀藩籬。已是弓藏磬盡時。德壽才催臨禊帖。阜陵又賞選唐詩。
後主春寒弄玉笙。章宗秋月坐金明。詞人不管興亡事。重譜師涓枕上聲。
兵食無籌治本疏。秀才酌古論孫吳。朱辛都愛龍川好。北固樓頭一酒徒。

壽徐蔭軒總憲六十生日

北學編成二百年。何人就道紹儒先。渾無器豆分功過。長有鑪香告帝天。
峻樸翠庭精習禮。沖虛尺木妙通禪。惟公宗旨能斟酌。博約居然合兩賢。
受學甘盤舊帝師。殷宗神武中興時。法筵屢見麾蒿菜。春殿從無折柳枝。
人羨桓桓經饒寵。遇史傳賈疏總憂危。幾多造膝批鱗事。祇有先朝故老知。
觀復澄心客慧除。能將老易貫真如。早參廬阜蓮花社。新注台州淨土書。
道妙有時狎鷗鳥。仁心何忍窘池魚。性功一滴周華藏。翻覺雲棲解說疏。
今是羣賢道長秋。巋然亞相冠清流。中臺真有神羊在。橫榻都無仗馬羞。
未許廟壩寬李蔡。曾因殿檻惜

朱游直臣甘雨皆堪賀。併入詩篇祝麥邱。時久旱求雨得雨。

門人諸孝廉可寶。爲余畫楚游十三圖。今失去。更求畫手補之。各題一詩。

黃鶴磯

武昌雄劇勝。荊州混合江湖接。漢流鷗鷺都忘爭戰事。一樽明月坐西樓。

琴臺

漫嗟孤調闕朱絲。當世遺音後世知。梅子山青湖水白。良宵可有撫絃時。

武昌西山

前帶平江後枕湖。山林葱蒨舊吳都。西龕北拒喧騰過。草棘尋幽到二蘇。

樊口

石瘦江清曲港長。窪尊突兀近漁莊。今人亦有聲牙性。願結村居伴漫郎。

雪堂

乞得營田自墾荒。數椽聊禦北風涼。仙翁去後英雄住。占斷江山是此堂。胡文忠公駐軍黃州。葺雪堂駐之。

鹿門

拜床難訪德公廬。白髮詩人作隱居。欲濟無舟牢落意。槎頭秋水釣鱸魚。

習家池

隄上曾無女似花。天寒魚鳥數雲沙。里中冠蓋銷沈盡。尙有荒池號習家。

隆中

健婦蒸藜兒課耕。諸賢朋好又親情。休論魚水雲龍事。已足山居了一生。

蘭臺在安陸府城內

漢水如環繞郢都。山川秀朗楚中無。侍臣朝暮陪遊燕。成就清才宋大夫。

龍山山上有寺。余宿此一夕。

司馬豪情幕府賢。霜風落帽賞秋天。龍山剩有枯僧寺。夜雨留人講鈍禪。

蝦蟆碚

蝦蟆碚下水泉清。遷客爭題洞口名。謫到夷陵真善地。豈惟橘茗敵東京。

空舸峽

疊巘陰深插虎牙。猿猱行處見人家。秋煙搖盡巴人櫓。一夜灘歌兩鬢華。
行峽江。皆蜀船。權欲最哀。

蒙泉在荆門

循嶺清泉濺濺鳴。使君講學數遊行。塵車獨戀虛堂宿。默坐苔磯自濯纓。

秋興

歸鴻警邊吹。離羊嘶商音。夷則傷萬物。肅然惻我心。夕溥砌菊露。晨損庭柯森。元蟬閤曼響。蜻蛚振促吟。

虛室紉細素。珍此一寸陰。隕落悚困學。澄顯愉煩襟。褰衣覽城闕。披露西山岑。涼宇絳竦斂。頽照碧氛沈。登稼農休耒。授衣女急鍼。荒陂稍夷曠。葭亂猶蕭參。此日歎竭澤。昔遊鑿清湛。潘生賦不達。漢武樂已淫。玩易自無悶。歌唐獨思深。欲辯誰爲質。命璣聊孤斟。游息止義圃。翔集耽文林。誰云秋可悲。且操履霜琴。

扈從上定東陵作

孝貞顯皇后隱名。

蒼梧雲已遠。娥臺景忽傾。同歸瞻鼎湖。遐征辭鳳城。六龍爲躑躅。萬騎咸悲鳴。引綽黯天容。啓輅摧皇情。恭維配天日。德邁楚樊貞。教禮彤管煒。廣恩樛木榮。曳練旣垂戒。脫珥亦流聲。板蕩屬危疑。負辰資神明。並尊視娘簡。同德逾皇英。賢才卷耳詠。和氣女媧笙。良由好道德。終見告武成。西眷葱嶺靜。東澹瀛洲平。保冲奠兩代。付託完八紘。天步已清晏。聖善功莫京。重紆聽卑訪。祇益受寵驚。絳灌詫殊遇。終賈非爲名。撮壤亦何裨。負乘徒殫精。璇魄有薄蝕。秋霜忽淒清。追思燕羽助。莫阻鸞驂迎。仙桃拿山渺。儀樹薊煙橫。幽宮闕億載。雨泣號編氓。風撼羣松哀。日照孤蒼誠。小臣蒙蔭育。何用惜餘生。

同張繩菴訪僧心泉因與同遊南窪。

簪組如林森機械。拙者轉喉招噴怪。辛苦酬答兩無益。適野尋僧差足快。清遠無如龍樹閣。風水鱗鱗漾蒲稗。白日閒澹罕遊人。午鳩獨鳴寂梵唄。三人不知誰主客。錯綜談端如鍼芥。會心卽答倦卽默。茗椀無溫聊一啜。此際鞿鞅盡擺脫。何異枯柳楷馬疥。禪客灑落不參禪。偶參金石及書畫。遠識阮儀姚伯近戴鹿劉庭略述舊聞資感喟。海寧達受號博古。法眼炯炯同宗派。縹囊犀軸積如倉。投老盡償柴

米債。此亦五陰障。真如今朝始入四禪界。文暢愛文心無著。如滿遊山力未憊。我雖鈍根可漸磨。師老難
迴年齒邁。留此孤雲伴我遊。灑然何知世網隘。

族姪瑞蔭入學。與其父子青宮相同歲。賦詩爲賀。

高人鉅谷虎龍蕃。合有蘭芽玉挺妍。剛數祥齡周綺甲。已欣故物得青氈。傳家灑固汾陰榜。華國韋平漢
史編。我愧潁濱羈海曲。和詩喜得小斜川。

嶄然頭角不尋常。南阮西裴與有光。豈羨文辭比枚馬。好爲公相致堯湯。父風清約留茶器。門地高華戒
紫囊。六十年來重秉節。佳談更繼北平黃。黃侍郎叔琳與其子棟憲登賢。先後同科成進士。

憶蜀遊十一首

浣花溪

乾隆下詔訪蜀故。禮壁石室均渺茫。君平卜肆更無考。趙錄樂記烏能詳。獨有城西浣花宅。至今門前溪
水香。經術道德皆寂滅。世人所愛徒文章。文章小技胡能爾。顛倒百代籠三唐。此老落筆與衆異。憂國愛
主出肝腸。胡羯恣睢蕃。回闕收京問寢無時忘。敦本好賢念故舊。臧獲雞蟲皆恐傷。乞錢辛苦作草閣。苟
完豈能免淒涼。今日朱甍映淥水。竹露滿徑圍花光。身居兩載甚倉卒。栖神獨與江山長。豈是詩筆吐光
燄。實惟忠篤通穹蒼。卽論愛文亦美俗。巖穴老生皆激昂。鄙哉大橋題駟馬。徒以富貴驕其鄉。今成都北
十里有駟馬橋。

劍閣

物苟有可欲。徒自錮南山。敵國貪吾土。地利難防閑。瀛海不能阻。奚論山蹊閒。劍門若石城。猿鳥愁躋攀。五丁迎秦使。納敵召禍患。艾越彬亦入。重扃失其艱。平世成夷塗。戍卒稀且閒。陰壑秋雨積。馬羸憂石頑。巖樹覆深澗。微聞鳴潺潺。慷慨發勞歌。誰爲賦絲蠻。陸銘不可求。峭壁惟苔斑。李唐恃三窟。乘輿四往還。宋眞逮金哀。學步何其孱。天子守四夷。豈在保一關。

錦屏山

嘉陵一江勝處在。閬州城南號稱五城十二樓。明鏡三面抱城郭。錦屏九疊臨汀洲。江深石潤樹蔥蘢。帝子飛蓋時來遊。峭壁下瞰鼉鼉動。危磴上見猿猴休。山顛地勢轉夷曠。翹足臥看澄江流。當年丹梯碧瓦照山谷。今日石椽磊磊成荒邱。時見樵牧語煙靄。無復士女嬉春秋。杜歌清壯猶可誦。馮記荒渺誰能搜。唐代親藩多典郡。曹皋最著他無儔。好治宮室恣游讌。猶勝虐下藏奸謀。吾聞洪川高閣亦是滕王建。飛雲捲雨今仍留。我勸蜀人惜名勝。荒蕨勿使山靈羞。

凌雲山

李冰弱水性。雙流分離堆。醜爲千陂塘。澶漫生文漪。合爲一巨瀆。頓異濫觴時。嘉州江始縱。如鯨揚其鬚。青衣自西注。高浪無雄雌。靈巖爲幟志。岸然臨其歧。石色閒黝赤。藤蒙樹倒垂。摩頂高且平。廣譙可張施。手持一卮酒。下視千帆馳。三峩晃翠黛。晴明或見之。曠欲游鴻濛。豪欲挈地維。如去肝鬲病。宿痞吐無遺。

罄山鑿化人。蟠腹手如箕。道是南康王。造象福氓蚩。皋才雖文武。暴侈驚華夷。留此鉅偉觀。差足駭蛟螭。山川數雄駿。吾謂蜀之魁。蘇歌固跌宕。未盡山川奇。願召名士游。一洗寒酸詩。

重慶府

江與孫水會漢嘉。南下敍州會金沙。瀘洲南會黔瀘水。都邑逐漸成繁華。重慶北會西漢入。壯盛灝漾遂無涯。楚加不羹陵中國。秦並六王成一家。名城危踞層巖上。鷹隼視雄三巴巴。人能文兼好武。深山今已無長蛇。唐人分鎮昧形勢。梓州亦建東川牙。吳畫嘉陵不畫入江處。丹青雖妙奚足誇。荆湖東控關門戶。子午北嚮通幽遐。東風連檣來估舶。春雲被野蕃桑麻。橘官鹽井並充阜。萬機織錦翻朝霞。產巴綬。今更綴為方文錦。請歌巴曲教渝舞。夜夜醉看巴江花。

忠州東坡

川東山水會。忠州最清妍。巴峻夔陜隘。適處巴夔間。唐代猶僻陋。謫官類多賢。前有李與陸。後有白樂天。既少冠蓋客。復無歌舞筵。民貧吏亦魯。弄筆圖木蓮。野步得東坡。聊寄桑者閑。我來江上望。花竹籠春煙。萬畝同一綠。菜畦閒秧田。江平碧瑟瑟。山遠青娟娟。刺史甚安樂。廚傳頗充然。不望遷三秩。但願居十年。竊笑古人常有遷謫意。雖有山水成無歡顏。今忠州為四川善地。余按試時。同鄉侯菊坡知此州。先期者。年餘回任。甚喜。

摩圍閣在黔江縣郁山鎮。

蒼蒼摩圍山。猶染唐時色。白樂天詩。摩圍山色正蒼蒼。此是入黔道。蠻山逞巔劣。太虛失清曠。遭此羣峭逼。往者李供奉。

奉。後。來。黃。魯。直。山。閣。井。觀。天。遷。客。來。遊。息。其。下。有。丹。井。泠。泠。我。心。惻。宜。州。寄。城。樓。羨。此。安。可。得。黃。詩。多。槎。牙。吐。語。無。平。直。三。反。信。難。曉。讀。之。鯁。胸。臆。如。佩。玉。瓊。琚。舍。車。行。荆。棘。又。如。佳。茶。薺。可。啜。不。可。食。子。瞻。與。齊。名。坦。蕩。殊。雕。飾。枉。受。黨。人。禍。無。通。但。有。塞。差。幸。身。後。昌。德。壽。摹。妙。墨。注。詩。獲。任。淵。亦。得。謫。蜀。力。南。浦。題。名。存。山。鬼。護。石。刻。

邛崃山九折坂

今名大相公嶺小相公嶺土人謂以武侯得名恐非疑是章南康李賢皇耳

漢。家。愛。金。碧。遠。通。西。南。徼。至。今。兩。物。蕃。貢。市。來。六。詔。自。從。唐。蒙。後。叱。馭。猶。震。掉。熙。朝。文。軫。恢。越。舊。供。庸。調。匏。壺。鬼。教。廢。花。鬢。菩。薩。妙。不。憂。瀘。水。毒。奚。畏。邛。崃。峭。嵐。氣。造。陰。晦。燭。龍。鄙。不。照。不。見。山。首。尾。高。度。詎。能。料。巨。有。旄。牛。迹。悽。無。杜。鵑。叫。閱。茲。役。夫。病。胸。慄。捧。輿。輻。明。發。昏。未。休。百。盤。困。旋。繞。茅。舍。喜。一。飯。溼。衣。就。烘。燎。谷。鳴。致。霧。涌。搖。手。戒。呼。嘯。兩。日。升。嶺。脊。西。見。雪。山。耀。直。北。走。松。維。迤。南。包。蠻。驃。積。素。鬪。朝。日。目。攝。身。飄。搖。大。嶺。最。廣。博。小。嶺。亦。宵。窳。熟。戶。解。迎。拜。生。番。或。攻。剽。蜀。境。接。藏。衛。法。王。受。徵。召。業。業。者。閣。闕。冠。蓋。久。焜。耀。何。況。益。部。內。豈。蹈。回。車。誚。寧。遠。有。銅。官。誅。求。吏。不。肖。蜀。帥。無。遠。略。黃。龍。失。信。約。葛。侯。收。南。中。豈。曰。非。治。要。

夔門

導。河。鑿。三。門。導。江。止。一。門。赤。甲。高。刺。天。瑤。姬。司。其。關。自。入。滄。氏。道。驟。如。萬。馬。奔。噓。噲。特。一。壑。鯁。咽。不。能。吞。灑。瀕。抗。其。閒。虎。豹。當。關。蹲。盪。穴。走。鯢。桓。聯。臂。戰。猿。猴。何。人。立。高。編。指。麾。灘。師。尊。哀。歌。助。羣。楫。犯。難。穿。天。根。臍。入。汨。後。出。觀。者。失。其。魂。霜。清。秋。潦。降。漸。見。東。西。屯。牽。挽。費。百。丈。峻。壁。漸。可。捫。天。建。華。陽。國。人。力。抉。其。樊。

昔日麻鹽通今日集諸蕃。從來多險國，不得如圈豚。攻者成霸王，守者難自存。流柿破吳都，井蛙蹙公孫。八陣已破碎，日落巫雲昏。

火井

閉關一無求，善國莫如蜀。大利歸鹽筴，不薪火自足。富媪吐靈怪，光向絳霄燭。一邀葛相窺，再昌炎漢錄。嘗其穿鑿始，頑堅百丈劓。萬竈恣煎烹，天鑿程鄭欲。卻晒巴婦井，丹沙細如粟。神愁地脈洩，人畏劫灰促。蜀產洵夥頤，更僕難盡錄。錦江夏絲白，蒙頂春茶綠。陰木堅勝鐵，樹蠟潔如玉。卮茜今衰歇，糖霜復繼續。順慶紅花之利，今為洋紅所奪。自黃山谷居敘州，始造糖霜。著糖霜譜。今為出洋土貨大宗。銅鐵饒坑冶，但患無人督。馬牛充耕戰，藥物兼良毒。憶昔南宋季，一鎮支全局。緡錢三千萬，供軍踵相屬。南宋時，蜀中財賦解三司者，三百餘萬緡。蜀中自用者，三千餘萬緡。固由地產穰，亦恐征斂酷。保民有至道，君子善處沃。

青城山在灌縣。余季父曾知灌縣。久聞其勝。今提蜀學。報滿。遂欲往游。聞有司將具供張。乃止。

五嶽之外孰可遊，山荒樹伐憐羅浮。雁宕石好病瘦狹，黃山雲好嫌陰幽。匡廬外博中枯寂，但誇簾谷懸飛流。只有青城不可唾，深秀能使人淹留。巖壑回互三十里，青蒼不落無春秋。層巒簇簇散花竹，長坂往往開田疇。隨處澗泉堪濯足，登攀不為芒鞋愁。千家百寺資用廣，薪蔬何待出山求。欲界仙都此儻是，縱留一月豈能周。古有避世姚平仲，今聞好事何東洲。何子貞由四川提學。罷官後曾往游。茲山十載入夢寐，已辦笠屐窮探搜。或云行部古不到，謝公伐木招人尤。不畏鶴猿謝逋客，惟恐雞犬驚鳴騶。姑效興公寄吟想，弔奇有願

何年酬。

沈松樵贈琴泉寺唐經三紙琴泉寺在潼川府。即唐惠義寺。

唐書貴楷則。峭急始經生。千碑同一法。寫經遂孤行。晚出王鱧祥。蚤顯鍾紹京。東川遺梵夾。資福獨無名。想見拾遺來。浮圖尙崢嶸。象法不自庇。劫火俄相撓。舍利已灰滅。掇拾得筆精。麻紙黃不蠹。松墨滿兒睛。尙時取急就。千萬日有程。臥腕驅拂筆。波媚出欹傾。右餘左不足。荒率得其情。宋帖多臆改。觀此息喧爭。三藏大海闊。片紙一漚輕。將毋佛笑儒。寶此如連城。研金與刺血。彼教何其宏。儒徒寫釋典。蔽惑良不平。我自重我法。古今一蔣衡。誰存孔壁簡。豈咎秦皇坑。

五北將歌

廣州副都統烏蘭泰

桓桓都護鬚髯紫。平日愛兵如父子。都統在京。爲入旗都統。待兵最有恩。爲謀生計。回民屠羊者號羊。肉林。慣以重息剝旗兵。公爲設法還債。而禁其私借。旗兵以紓。萬里征討毒瘴鄉。能結士心得士死。左江右江賊如麻。四方征調糜蟲沙。按礮持燧不敢發。一里以外猶咕嗟。始將火攻教儒卒。可惜利器無開花。烏在京管火器營。以長於火器著稱。老熊據險氣山涌。水竇孤軍搖不動。黑夜出奇卷甲來。以少擊多無旋踵。獨恨諸君不和輯。老將兀兀成孤立。桂林橋上鐵雨飛。公中墩重。旋殞。五管軍民同雨泣。嗚呼庸相眞無謀。棄駿任鴛禍神州。當年若使烏向爲兩翼。安有長鯨直下江海成橫流。賽相任總兵和春。後以爲翼長。和在諸鎮中差勝。然遠非烏向之比。

湖北提督塔忠武齊布

湘沸江騰虎出柙，千城百壘如摧拉。誰翻敗局據勝勢，破賊首見滿洲塔。艱難起義曾太傅，左提右挈無人助。猛火光裏識奇勇，一旦英雄歸駕馭。塔署長沙協守備，以救火為會公所。南來帳下三百人，公以長沙協標兵三百人為親兵，後皆立功名。一一

材武皆冠軍，童雲彭三劉宜畢金。劇豺虎四人皆部下健，楊斌鮑超黃翼。李成謀，翔風

雲諸將皆三百人之內，楊長沙協湘陰汛千總，鮑從向忠武至廣西，轉至湖南，以餘丁補長沙協兵。軍門神武殆天授，能用水師兼步鬥。兼統水師船數百隻，楊勇怒即其部下。六合

槍訣無人學，公自教將校親兵六合槍，皆只能二二三合，即已困憊歎血，公獨能盡六合。出必先人歸殿後，上游湘潭城，下游九江郡，行二千里無

頓刃，兵勢如龍賊如草，百船鐵鑊一宵燼。歸營僵臥不知人，公至九江後，謀畫戰鬪，勞苦過差，每戰歸輒臥床若昏眩，逾三四刻始蘇，聞之公部將云。輒明

朝蓐食仍陷陣，田鎮故壘臨江涓。父老言之歎且悲，中興諸將列茅土。開創風氣非公誰，我聞但有勝將

無勝兵，惟在運用能神明。請看塔公部下諸將士，豈分勇營與綠營。公所部有湘勇，皆勇，長勇，湖南撫標兵，長沙協兵，滇兵，及水師。

西安將軍多忠武隆阿

明公將步布將騎，縱橫天下皆如意。胡公東征善知人，鮑步多騎左右臂。收取太湖扼潛山，奇兵橫絕集

賢關。馬隊八百敵萬衆，無髮無捻無精堅。陳狗失穴如遊沸鼎內，安慶無援已在掌握間。江淮大局進退

在一戰，挂車河水流血成朱殷。古來騎將專擊搏，今看陷陣良足樂。灌嬰季布平陽侯，不及將軍有智略。

關中禍亂留花門，三輔焦爛無完邨。外援到陝已卻步，劉秉璋之軍敗於陝西，鮑超聞調入關，辭避不往。內兵渡渭徒迸奔。陝撫劉蓉

將軍鐘鼓鳴灞上，終南山色開朝昏。整屋堅巢城如鐵，將星遽碎城亦裂。以攻整屋城中敵，本其日城竟拔。部下

所部賊

金順·善度·長順·穆阿·王可·曹忠·雷正·餘威掃盡蔥嶺雪·從來步騎難兼長·何況能謀能戰平生無敗創·所恨倉卒不待一二載·生寫形容上紫光·

科爾沁僧忠親王

南軍尚持重·北軍尚剽疾·湘淮兩幟戰江表·河北獨有名王一·中原曠蕩幾千里·鐵騎騰蹴一萬匹·神京

既奠遂南下·年年征討無休日·海東勁卒材昂藏·奉天吉林黑龍江東三省馬隊·漠南蕃部性雄強·內蒙古四十九族·目瞋語難孰

能馭·指揮赴敵如驅羊·射雕羽箭二斤重·詐馬繩竿九尺長·正兵螺旋迭進退·馬隊進戰皆為螺旋陣·退亦如之·奇兵鳥翼

相舒張·不知何者為兵法·但見萬馬併為一馬無能當·王全不依古來營陣之法·自言吾馬·連鎮街·馮官屯·杞

縣城·金樓村·白蓮池上東捻滅·馬山口外西捻奔·大沽夷船亦奪氣·咸豐己未·王防天津海口·擊敗英法兩國兵船·蒙城苗練先

亡魂·大功數十小戰不知數·所到驚呼赤面如天神·王面正赤·見者驚為關壯穆·誠感悍鎮化野性·陳曰瑞善戰·而最笨

唯指授良將成高勳·張曜宋慶·自從王征討後·戰益力·名益起·殘寇狂走趣戰迫·強弩穿縞不自惜·紅旗一隊稱軍鋒·先向

平原灑戰血·紅旗馬隊副都統恆齡·最有名·益起·盡殲大慙覆鳥巢·有名捻首皆殲盡·毀蒙毫擒巢·甘酬素志歸馬革·廿年大帥多

如林·車後遺棄梁肉廡下堆黃金·阿史社爾行軍無臥具·沙陀朱耶報國惟赤心·蟻蝨滿甲幾曾浣·芻蕘

一束時難尋·艱苦廉樸鑒天地·家家私祭同霑襟·嗚呼異姓賢王羅青史·李郭徐常非其比·不獨戰功近

掩策凌超勇王·合將忠誠遠追擴廓奇男子·

塔爾巴哈台參贊大臣署伊犁將軍錫綸

匈奴象人射邳都。楚祭北門為黔夫。敵國所惡我所寶。羊陸市詐將人愚。邇來關外盛材武。敢戰內寇怯

戰虜。何況羅刹逞睢盱。六國同聲畏狼虎。一自昆彌叛不朝。王庭十載淪天驕。狡黠老漁伺便利。盜據甄

脫容逋逃。豪傑陷賊能自拔。習慣沙場從結髮。賢父戰死沙州城。桓靖美諡榮忠骨。父□□為古城領隊大賢

兄博學高名起。兄副都統錫鎮。博雅能文。為滿洲名士。武達文通一門裏。國難家讎在西域。孤兒甘赴邊城死。絕遠無如塔城

孤斗入斯科環雜胡。藩籬外收哈薩克。塔城一帶。內哈薩克屬我。外哈薩克屬俄。犄角內結呼土圖。阿爾泰山喇嘛棍噶札拉參。曾

布多塔爾巴塔台一帶蒙民皆附之。有衆十萬。屢與俄邊人戰。錫深與結納。相為犄角。俄人侵軼者輒擒治之。俄深忌兩

人。屢言於朝。求斥去之。遂疊經吏議革職。暫緩離將軍任。清語克為語助辭。若讀呼土克圖。聽之只有呼土圖三字。

無克字。匈奴未滅家何有。閉壁不許通妻孥。妻子自都赴之。閉門不與相見。居之他所。墾荒起疲變重鎮。鄂博一步誰能踰。西鄰

責言衆積毀。熱血未冷霜盈顛。玉門望斷敵人喜。刀筆糾纏紛紛起。私交不責許田鄭。山東巡撫張曜。借洋

後事發。戶部為奏請籌款償之。亦無贖資。市租獨苛代郡李。戶部劾其借俄商餉五萬。前恩寬僅殺飾終儀。柳絮淒涼歸萬里。二

卯棄將古有之。長城頓壞今已矣。鼓鼙聲壯磬聲悲。我皇聽之思者誰。屯田未熟征夫老。界上來爭帕爾

金山觀東坡玉帶歌

黨人文字毀不留。章蔡疾之若仇讐。帶鞬一圍落方外。山僧寶之若天球。豈惟僧俗知敬愛。壓伏海門百

靈怪。曾瞻黃繖對延英。更抵傳衣鎮法界。傳衣傳鉢碎南華。達摩傳六祖衣鉢。在韶州南華寺。明提學道魏校莊渠推碎。道君玉柙埋胡沙。

可憐攢宮一片石。理宗不保歸真伽。世事由來有反覆。故主謫臣殊榮辱。南巡聖藻身後榮。宣仁社飯當

年哭我哀公遇誦公詩。八州徧到拜公祠。眉州、嘉州、杭州、黃州、登州、定州、瓊州、廉州、皆余所到。一事堪令古人羨。今是天海澄清時。四大五蘊皆空相。惜公愛公公豈知。欲訪中泠桑田改。紫金浮玉成陸海。京口十年作戰場。緇徒千人無一在此玉。不焦亦不濡。龍珠上護白虹采。義眉險巖瞿唐艱。不如北固好江山。妙高臺上月明夜。應見驂鸞數往還。

謁胡文忠公祠

樞軸安危第一功。上游大定舉江東。目營四海無畦町。手疏羣賢化黨同。江漢重瞻周雅盛。山林始啓楚風雄。長沙定亂誠相似。未及高勳又赤忠。武昌縣寒溪有陶桓公祠。公手題其榜曰。長沙之助。今存。晉孫盛陶侃傳贊。精金百鍊。在割能斷。智可克敵。忠可定亂。長沙之助。爲時所

讚。侃封長沙郡公。公長沙益陽人。

二老當年開口笑。九原今日百身悲。公與先大夫手札云。在軍中得令耶領解之信。與南溪開口而笑者。累日云云。南溪乃昌黎韓果靖公。名超。韓與公皆余受業師也。敢云駑鈍

能爲役。差幸心源早得師。聖慮當勞破吳後。雄心不瞑渡河時。公聞熱河北狩。請自率師入援。次年。聞定陵上仙。病遂篤。數日即薨。安攘未

竟公遺憾。傲福英靈儻有知。

彭剛直公輓詩

神一貫長江。其南際漲海。江海幸息浪。砥柱今安在。持危望同心。事棘公不待。回憶越巖昏。炎方門戶殆。天降江神尊。氣吞海若倍。軍離終成睦。民恐頓忘餒。雪濤擁虎門。兩角高崔嵬。孤軍壁其外。免胄不披鎧。共苦感士卒。任難服僚案。虎門巖爲廣州前敵。黃浦爲次敵。前粵督以淮軍守黃浦。以水師提督率粵軍守虎門。提督怨之。以故粵淮交惡。公於虎門外沙角。大角二山築瞭台。自督湘軍守之。粵淮兩軍皆愧

服聽指揮我亦受危任。同臭若蘭茝。論奏出腐儒。謬謂謀可采。凡防海規越計畫兵食及諫阻停戰撤兵諸事。余無異詞矣。

易公不王師入龍編。虜肉不足醢。擣虛勢已成。行成逞欺給。返旆三軍吐。撞斗老夫唉。天鑒剛且直。慧言宥不罪。兩年栖菴閭。擇地斥爽塏。霧潦看墜鷲。浸淫中肩駸。爛爛紫石棱。疏髯蒼繞頰。扶掖始下牀。英姿終不改。九州服威風。所至絕姦賄。燦爛婦孺口。張皇及瑣鬼。畫梅徧人閒。自吐冰霜蕾。北歸未過衡。一面至今悔。余移湖廣。本擬自韶州度嶺。取道衡州。由湘入鄂。便視公疾。後以有奏明過滬商榷之事。遂由海道。不得道衡州。急難不尸位。此意空千載。袍澤入魂夢。孤憤結磊砢。鯨牙日鋒厲。箕尾失光彩。羣蒿豈任柱。雨泣問真宰。

憶嶺南草木詩十四首

廣益堂雙松兩廣節署幕府之堂。

南海氣龐厚。卉木四時好。歲奏壽民婦。常有百齡老。挺挺後彫姿。不寒孰知寶。平生有篤嗜。謂勝桃李姣。移根扶胥口。礎大枝未繚。廣州少松。此自黃浦北岸牛山移來。廣庭關坦夷。不使雜樹繞。龍性生已具。森然蓄鱗爪。檉柳及楊梅。難較年大小。此堂晝沈沈。幕僚盛文藻。敬事屏戲談。攻闕無枉道。增此兩畏友。峨冠強哉矯。坐對穆清風。塵牘紛如掃。不憾成器晚。自由種不早。贊皇念寺竹。平安冀長保。歲挺一尺心。十年出屋表。去粵時。尺。大率松性每。年可長一尺也。根深接元氣。狂颶難傾倒。何必自得蔭。神扶竊所禱。海國見垂陰。吾首猶未皓。

此君亭竹

雲龍渴飲海。蟠爲歌舞岡。大雅化冶麗。種此夏雪蒼。太傅歸紫府。教澤在炎方。巨海納萬流。達者來升堂。

堂前藹叢綠。粉籬拂輕霜。滿城皆祖榻。十步常清涼。諸生月一會。束帶各矜莊。三老金_錫。張_其。劉_昌。捧手接容光。歲時薦蘋藻。如侍先生旁。講罷或吟嘯。竹閒聲琅琅。綠山富樓觀。此亭心獨臧。有斐不可諼。我歌淇澳章。

越王臺木棉

誰摹宋院畫。花色赤如土。問名爲木棉。發豔獨奇古。赫若朱衣神。不比紅裳女。五丈阿房旗。十圍金輪柱。高幹必掩羣。奇葩向天吐。鶉火挂屋角。珊瑚出海浦。疑是丹穴鳳。翔風散毛羽。登臺瞰春城。光采照萬戶。自門天雲霞。不憂海風雨。絮著復丰茸。溫飭救貧饑。色正兼體直。耐久且高舉。糟魄又利用。可頌德有五。移此貢漢廷。玉樹安足數。

三君祠枕榔

海南多直木。挺挺擊高穹。枕榔尤勁秀。旁枝無附庸。紺理外深靚。疏節中虛通。枿欄安敢望。自愧衣裳茸。鶴脰據白石。鳳尾搖青空。彈指叩冰膚。璆然若絲桐。豈等多刺筍。羞伍腐心榕。三賢虞韓蘇。皆以直不容。流轉五嶺外。百世爲儒宗。靈祠有奇樹。勢若一夔雄。疏無爭巢鳥。潔無自賊蟲。獨立江海上。庶幾烈士風。

南園老柳

詩人愛古調。遊人愛喬木。耿耿抱幽情。悽冷勝穠緝。獨憐南濠上。鑿池雙碧玉。前後五先生。遊賞寄濠濮。高壘七子抗。餘波三家逐。圃廢垣亦頽。強鄰或騎屋。我來理荒穢。侵地一朝贖。高詠不可聞。餘此老柳禿。

何幸免蠹朽。嶺南蒸溼。柳罕有老者。兼得赦樵牧。如對耆舊人。齒衰風趣足。疏瀆發清瑩。儼幹吐柔綠。晨引翡翠下。暮來子鵝浴。翼翼抗風軒。後生薦泉菊。喜見大雅材。文獻有嗣續。

杏林莊杏花

退之嶺外歸。江陵詔杏花。豈知千載後。渡海飛明霞。移根曲江上。照映炎洲涯。潛雷未啓蟄。蠟蒂已含葩。石榴與躑躅。自羞風韻差。婉孌漢明妃。遠嫁瀚海沙。主人閎絕豔。貴希殊矜誇。北客喜來看。感物皆憶家。廣南久無瘴。風物同中華。春盤已見齋。土人素不識齋菜。余與汪提學柳門訪得之。城內官署。民家荒園皆有。味與京師無異。秋渴亦得瓜。瓜。近年自上

虞苑訶子樹

北海無如管。南海無如虞。饑鶴翔天表。不受曹氏污。功曹忠所事。正諫忘其軀。天啓椎結秀。經師來涵濡。荒翳訶子林。姑結流人廬。青蠅亦寥落。禮堂淪浮屠。暴恣兩鐵塔。勒名龔澄樞。作主乾隆代。海內知尊儒。曾賓谷為粵藩。始於寺內作祠。祀木主。兵火殘美蔭。艱難存一株。稜稜綴秋實。苦澀不可咀。植柵衛槃根。不厭清芬孤。虞易闡天道。參同得其粗。乾坤終不毀。碩果終不枯。

光孝寺菩提樹

梵書貴不死。菩提譯堅固。蕭梁千載遙。留此青青樹。智藥好事人。一枝伴東渡。膩葉圓如桃。書繪抵絹素。尊宿撫庭柯。風旛得妙悟。回憶西來初。未免異種惡。大地風輪轉。祇神噓海霧。米囊豔春花。劫貝織霜布。

瞿曇更何責。莊列或同趣。如游九州外。隔縣皆親故。佛法成寄生。祇園迷印度。勿碎南華鉢。智者急當務。
半塘荔支

曲江善賦荔。如視樂天圖。簡核盡物狀。流涎啓貪夫。驛致何足貴。貴及朝露濡。久知劉苑荒。誰問潘園蕪。
南海荔支灣。即今半塘。潘仕成海山仙館一城西多曲港。垂岸千百株。丹實飽暑雨。綠葉相承扶。舟行過其下。名荔香園。在半塘港內。今廢。惟園扁存。手接頰蚪珠。但覺天酒香。竟忘雪乳腴。始知野人芹。可獻君庖廚。初涼嘗早稻。輕霜擷園蔬。懷新皆悅人。不在物精粗。豈無糖霜甜。不中作酪奴。

菊坡精舍朱槿

乾嘉才斯盛。人恥不讀書。後進棄心得。騁鶩各殊塗。誰與端經術。通德在番禺。泚泚陳先生。深入五經郭。盡剽漢宋畛。兼握文筆珠。日日曳杖來。菊坡開精廬。晚學不得見。見此一叢朱。扶桑生暘谷。何年移明都。
朱槿莖葉似桑。一名佛桑。疑即扶桑博桑之屬。苑篔簹雨中歎。絳霞巖陰敷。經旬燦不落。始知日及誣。舜華逞薄媚。無怪榮落殊。
輕紅。色類木芙蓉。叢卉亦何有。愛此屋上烏。

白雲山玉蘭

安期經世士。蜚遞白雲山。白雲塞幽谷。山半生木蘭。斗大盛露囊。縹緲不可干。陋彼玉盤盃。羣芳皆羞顏。翻憐絕澗底。菖蒲瘦且寒。杲日飄風香。仙人來騷鸞。惟有羅浮蝶。凌虛時往還。所恨巨棗核。不得遣人閒。吾觀南海物。博大非一端。覘國卜其強。豈止草木蕃。願生十丈華。浮作太乙船。

花埭五棱子

花田以花耕。素馨粲如雪。臨水土膏香。嘉果亦殊別。蘇詩始贊揚。范志稍臚列。接葉五出花。鏤冰沁喉舌。色如青李淺。漿並消梨潔。老人齒動搖。酥脆不勞齧。嶺南數俊味。與荔稱雙絕。此物饒清涼。尤勝荔內熱。平生表微意。忍令名湮滅。擬作羊桃圖。遠為朝士說。

螺岡梅

漲海雪不到。臘花紅如春。深崦閉香雪。別有桃源津。一白被層巘。雜樹不亂羣。種梅如種桑。衣食山中人。紅萼不結實。嬌媚笑足珍。量谷數珍珠。豈以斗斛論。但看花塞戶。已指穀滿囷。縞袂懸圃鶴。冰肌藐姑神。萬壑吐晴霧。溪井皆芬薰。入山心目醉。藍輦忘苦辛。行人折且鯁。玉英踏作塵。磐石拂題字。甘泉明洪若水

速張山

陳浦

年年花照月。定招詩老魂。鄧尉想伯仲。羅浮難比倫。羅浮山中今甚荒寂

此地隱通客。何必西湖

濱。南海多水鄉。番禺多山村。水鄉易致富。山村常患貧。不信桑園戶。樂勝螺岡民。

桑園圍為南海縣境最大村。阮文達鎮粵時。為之大築

園隄。遂益富饒。螺岡司亦番禺縣境大村。設營汛。

濂溪祠荷

祠在廣雅書院內。

嶺外有別傳。霽月懸光明。

朱子白鹿講會詩。青雲白石聊同趣。霽月光風有別傳。

宋儒較氣象。濂溪最寬宏。遺愛陽春崖。猿鳥謹題名。

講舍祀畫像。學者示鵠正。悠然會公意。淨植涵波清。勤業策知能。息游和性情。斲輪喻為學。甘苦持其平。

報國拙寡效。所志人才成。嶺雲自修阻。如聞弦誦聲。所賴舉比師。切礎礪至誠。

梁節菴翰林朱書生道長

文行具本末。

博約無詬爭。眼中彬彬彥。守道俱研精。潮州拔趙德。瓊島識姜生。前賢得一士。今日羅羣英。佩此芳潔意。永保君子貞。

壽黃漱蘭通政六十

白日當天事。主心屢收涓。壤補高深。貴臣自憚愚。忠黯聖世終。容直道禽。欹枕浮雲看。轉轂揚帆海。月望抽簪。後彫獨有貞。松在四諫榮。名冠翰林。

歐陽門下盛生徒。說與吾文必道俱。豈僅汗流降國士。獨將氣浩厲頑夫。從游藍舉春常好。問字壺觴德不孤。不藉丹沙紅兩頰。逍遙自有養生符。

公論昭明息謗傷。服公忠實絕他腸。閉關韜隱杯如斗。看鏡行藏鬢有霜。椎布同心誇主婦。絲綸傳世付諸郎。元城老健貧仍樂。百鍊難柔鐵漢剛。

觚稜回首五雲中。待漏聞珂夜每同。海有橫流慙報國。風催喬木各成翁。坂前重負傷駑馬。天外冥飛見遠鴻。人惜投閒吾獨羨。小車遊洛定從公。

俄國太子來遊漢口。饗燕晴川閣。索詩及書。卽席奉贈。二詩乃暮
審代作。

海西飛軼歷重瀛。儲貳祥鍾比德城。日麗晴川開綺席。花明漢水迓霓旌。壯遊雄攬三洲勝。嘉會歡聯兩國情。從此敦槃傳盛事。江天萬里喜澄清。

希臘世子遊者。年甚少。俄太子之戚來同。

乘輿來塞楚。畹芳海天旌。旆遠飛揚。偶吟鸚鵡臨春水。同泛蒲桃對夜光。玉樹兩邦聯肺腑。瑤華十部富
縑緗。漢南司馬慙衰老。多感停車問七襄。

謝周伯晉翰林惠黃州雞毛筆

古人貴硬筆。刻畫等錐印。取材穎與鬚。剛健生神駿。宣城傳散卓。能使少師困。今人矜柔毛。因難乃得順。
墨采常有餘。曼緩藏堅韌。新意縛雞髭。三錢非鄙吝。盤辟尤如意。得自弋陽郡。芥羽殺餘怒。草翹涵朝潤。
毫齊力亦齊。馬服忘其迅。刷勒無不可。繭栗至徑寸。細筋自露鋒。豐肌轉成韻。萬物無剛柔。善役隨所運。
投筆揩眼花。忘我椎指鈍。

謝周伯晉惠上海三白瓜時方苦熱

仙棗曾傳海上瓜。今嘗珍蔬玉無瑕。清涼已足還思雨。尙有農夫轉水車。

謝易實甫餉廬山茶藪

平生最慕樂天廬。山草堂記。面山腋寺聽飛泉。恨不追隨二林老。清齋素榻常周旋。樂天謫官避世網。始
思棲飲全其天。怪君盛年佩青紫。胡爲窅然亦樂此。築室奉母廬山陽。美哉天下賢公子。遠貽山藪勸我
嘗。筍皮薄如春雲香。苦茗堪伴晏嬰菜。石耳親試伊尹湯。山居一月兩食肉。尙有清供非負腹。人生枯槁
勝憂煎。何必花羔壓紅玉。肆志由來抵學道。耐寂方爲善擇福。我想名山遊無緣。枕上夢見鐘峯煙。江南
信美戀河北。恥非千里累纒牽。終尋王屋太行去。暮年一壑吾其專。

謝易實甫再惠廬山三峽泉

江城炎燥閱無風，忽有甘泉藥病翁。徧酌一家俱滿腹，勞人堪傲贊皇公。
四海都能納一瓶，恍從峽裏濯清泠。不如長結宗雷侶，竟日棲賢澗上聽。

九月十九日，八旗館露臺登高，賦呈節齋、孝通、伯嚴、斗垣、叔嶠諸君子。

磯上巖城晚吹涼，淩風壯觀補重陽。柳仍婀娜秋生色，荷已離披水吐光。風動白波寒楚佩，夢回青瑣在

江鄉。寒煙去雁窮懷抱，用范文正窮塞主詞意強爲羣賢一舉觴。

臘月十六日，邀汪進士、陳考功、易兵備、楊舍人，至兩湖書院講堂看雪。月余以畏寒頭痛先歸。

大寒結楚澤，望雪喜得兩。素淩鵲折翼，緇泥馬沒掌。麥溝吐微青，佃傭券豐穰。湖北土俗，麥歸佃客，秋收歸田主。農美工商

病，役夫尤鞅鞅。溼薪束破竈，敗蔬埋凍壤。我憂鐵官職，歲暮敢嬉蕩。千夫倚洪鑪，邪許久輟響。忽撥愁雲

繁，兼覩溫暾上。瓦作鱗出沒，陌有迹來往。轉恐明遽消，及茲魄未長。廓然湖上堂，冰月交滉漾。映廊千步

空，照臺三層廣。諸生臘早歸，閒見短檠晃。病夫甚淩兢，嘉賓皆倜儻。紅頰酒倒餅，冰齒齧出盜。登樓矚城

表，皎皎窮萬象。嶺陰尙曳練，樹背或披氅。殘滴墮鳥巢，流澌戛漁榜。雖然犯栗烈，自喜攬高朗。著帽忍久

立，惜此夜方養。客歸且勿庸，僕病慙共賞。平生服董語，學行皆勉強。強酒祇得昏，強游猶得爽。歸來防轉

筋，灼艾不道枉。攜此清淨觀，閉閣藏夢想。

封印之明日，同節齋、伯嚴、實甫、叔嶠登凌霄閣。

印鈴乍寂仍無閒。曾子固詩。印鈴封罷關門閒。僉判衫袖紛朱殷。百蜡一澤息老物。文武張弛如昭彎。黃鶴山閣見百

里。從衆豈得辭躋攀。梅蕾如椒已得活。春意踊躍叢篁閒。窮陰急景往必復。喧風習習開我顏。鼎鼎惟有

萬屋頂。縈青繚素江西山。煙燉遠見寶通塔。漲動迴薄油湖關。關在漢口下。洲背露土似浴馬。水光抱郭成玦

環。辣酒燔炙學旂毳。準年許大猶駭頑。剪毛胡羊肉磊磊。竄草雉子青斑斑。容盡百觚主亦醺。登頓未覺

吁痛艱。蕉萃不為諸公棄。何異蘭杜容榛菅。江山雪霽好畫本。可惜江生今南還。歸善江孝道善畫。秋開來武昌住一月。今年

雪壯極萬里。壓足燕代包南蠻。國廣皆有雪。隴蜀春漲江漢恐。對此悄悄生憂患。驛符火急催楫石。我與郡縣

毋官瘼。

湖北三得大雪。微雪無數。除日賦詩。

瘦人愈饑肥愈飽。今年三白猶未了。江上千山化白雲。勢欲出川薄天表。要如鳥毳寒生温。眩及牛目昏

變曉。池上病鶴獨悽惶。若為堅冰縮觜爪。世閒坎窞萬里平。眼前荆棘一旦掃。楚國士宜兼南北。高稷下

麥均得寶。協風入律土膏釋。且忍五日行泥潦。立春已句餘。既幸漢口粥場空。漢口每年冬。輒有沔陽漢川天門潛江諸縣饑民萬數來就食。官私粥堂。

多至十餘所。今年漢河大熱。漢口粥堂至臘月半始設三處。皆本地乞丐。無外來者。復愁南樓燈市少。南樓在省城司門口。正月賣燈。及新年民用兒嬉諸物。皆集其下。太空落落德怨

集。安能委曲慰祈禱。褊心獨憂荆襄隄。誓殫人力俟天道。蟋蟀太康民已偷。衣袂日戒神所保。庶矜澤農

止流亡。差免愚臣疚。癯老歸田未遂思。鄉切盼我畿赤蘇。枯槁京師畿輔皆得雪。真火難陪射生曹。肩寒自對祭詩

島。梁節庵翰林方宿衛。連日屢有詩。且喜殘年埽塵牘。諸蕃懷德守盟好。湖南北兩年來教案四起。宜昌教案尤劇。膠擾一年有餘。臘月廿八日方奏結。城坊鬧鼓掛

屠蘇幕府燼燭點奏草。來年六合泥滓無。中夜焚香望晴昊。

正月初二日同楊叔嶠登樓望餘雪

自醜銀旛白髮人。晴光喜見照城闌。山通佳氣猶明雪。江汛柔波已漾春。冠佩漸勞知老至。羽書方急愧年新。湖南華容會匪蠢動。今日發兵往捕。憫牛誰誦河東賦。清嘯南樓恐不倫。

易實甫以司馬溫公殘帖硯見贈。乃溫公與其姪九承議手札後半段。其眉亦缺數字。就殘石作硯。

葉東卿故物。翁覃溪刻字題為斷碑硯。誤。上有元吾子行印及昌齡印。昌齡滿洲人。乾隆時官學士。多藏舊槧本書。余每見之。印朱文。曰長白敷槎氏。李南澗日記載其人。疑此為昌齡所刻諸家真蹟法帖。不詳帖何名。又不知真蹟在何所。此其半石也。

介甫書頗狂。子瞻書豪縱。穆穆司馬公。落墨必謹重。邪異賢亦殊。朝局成一闕。宵磨黨碑名。俘掠花石貢。

貴賤在公道。殘帖今傳誦。遺書問九郎。無異鵠鷺諷。忽憶停雲帖。書勢相伯仲。文氏停雲館帖。有溫公與潞公札。結體取

寬平。挫筆少縱送。固知任誠慤。或少智術控。譽王已過厚。任蔡良可痛。獨惜通鑑藁。細書失充棟。此石僅

八寸。其價珍璧共。幸免佞人污。壺盧未押縫。易生信恍慨。如石充僧供。坳墨謹洗滌。廉棧戒磨鑿。作我方

正友。泚筆豈敢弄。嗟哉六月相。昊天不祚宋。紹述肆詆誣。天怒神怨恫。釋音。恫。痛也。是即痛字。政荒相若鬼。敵喜

國如夢。居洛十八載。伏如雞處甕。有園甚荒率。忘機到僕從。花藥助讀書。獨樂不與衆。我意獨慕此。守黑

甘無用。點易滴新泉。石田春可種。誰能考鳳墅。抱殘誇博綜。宋曾宏父刻鳳墅帖。皆賢臣端士書。今止存數卷。在歸安姚氏。□□□有鳳墅殘帖考。

焦山觀寶竹坡侍郎留帶

玉局開先繼石淙。竹坡遊戲作雷同。大廷今日求忠諫。魏笏終當納禁中。
同姓懷忠楚屈原。湘潭搖落冷蘭蓀。詩魂長憶江南路。老臥修門是主恩。
故人宿草已三秋。江漢孤臣亦白頭。我有傾河注海淚。頑山無語送寒流。

蜀葵花歌

蘭論晚蕙論畝。荷華菡萏澤陂有。看花滿眼意始快。艱苦驕矜何足取。世俗貴耳鬥奢華。洛花道好蜀葵醜。十千一窠且難得。不賞園林賞罌缶。可憐光采弄頃刻。愁陽愁雨勞邏守。田閒野客愛蜀葵。謂是易生兼耐久。娟若芙蓉鬥秋霜。直如泉麻出蓬莠。爛然千朵應時發。蕪漑豈出園奴手。美錦難比縑利用。河豚豈如鯉適口。廣庭廓落無雕飾。蘿薜挂墻一尺厚。花光噴溢充虛堂。最好旭初及雨後。我欲表微張此花。為集嘉客傾美酒。此花雖賤君子貴。君子為誰司馬君。實號迂叟。
溫公蜀葵詩。白若繒初斷。紅如顏欲醜。坐疑仙駕儼。體節紛駢羅。物性有常好。人情輕所多。葛蒲當日秀。棄擲不吾過。

正月十七日發金陵。夕至牛渚。丙申年。

牛渚春波淺漲時。武昌官柳已成絲。東來溫嶠曾無效。西上陶桓抑可知。

登采石磯

艱難溫嶠東征地。慷慨虞公北拒時。衣帶一江今涸盡。祠堂諸將今何之。衆賓同灑神州淚。尊酒重哦夜

泊詩。霜鬢當風忘卻冷。危欄煙柳夕陽遲。

過蕪湖贈袁兵備

爲政有道道有根。佳人讀書袁使君。九流播嘖仍擺落。收拾併入不二門。羅城于公三間屋。民隱不隔當
關關。東頭圖書西筦庫。中有湛然心君尊。我鎮金陵強一載。蔣山蘿薜何曾捫。老牛困鞭思脫紉。經義就
子同尋溫。春雲壓江雨意遠。泥淖洗羶胥徒奔。南望赭山隔煙霧。北瞰于湖新波渾。燕語亦足抵遊覽。芻
飯滂沛傾深樽。談詩看畫紉篆刻。十不盡一晡侵昏。過江名士均在坐。此會此樂悅心魂。胡爲欲理嚴瀨
釣。儒效未竭安酬恩。黃山幸在君管內。來遊何日常思存。賓從豪盛自詫王元美。東道殷勤還望汪道昆。

石鐘山拜水師昭忠祠。坐芸芎堂。

南疆水戰兩奇蹤。赤壁東來數石鐘。千里江湖似瓠建。一時賢俊盡風從。靈旗月閃驚栖鶴。疊空波鳴起
睡龍。太傅功名誰不贊。服公勝算在從容。

廣雅碎金附錄一卷

校語

連珠詩 朝菌不知晦朔 此章切戒處高位者無事時盤樂怠敖必至于釀亂故明君良相常制治於未亂曙戒於幾先。

弓調而後求勁 此章言士必愿憲守繩墨而後求智能焉凡氣陵其上志慢其下跡弛不受羈勒之士萬勿誤用以致敗事。

大廈成而燕雀賀 此章言人貴介立物尙孤生由於獨智則入自聖門。
天不滿西北 此章言有超世之識乃能累心處都盡樂天知命任運過時亦達人忘物我齊得寥之襟懷也。

善言感人煖於布帛 此章言禍從口出遇儉邪尤宜慎言以包周身之防。

琥珀拾芥 是真虎嘯必有風應之曾文正原才篇云有以仁義倡者其徒黨輒死仁義而不回有以功利倡者其徒黨亦輒徇功利而不返。

善飲者善醉 名公器也不可多取多取則自招尤悔故苦縣常以自隱无名爲務。
百山學山不至於山 此章言好學惜日進德不懈可以補拙愈愚。

佐饜者得嘗 介如石不終日。知幾其神。必具淵然深識。乃可免絀世網。

水清者無魚 烹魚煩則碎。治民煩則亂。故善戒无迹。知政體者務去苛碎。責大指。忍訕信。除嫌疑。則物情漸附。而事易舉矣。

戶樞不蠹 此章言修學在勤。惜分陰。抱綿綿之志。以馴入聖處。

石可破不可以奪堅 此章言堅苦澹泊之士。志如金石在波。不爲萬物所逐。

言得其人如聚沙而雨 此章言或默或語。當審其幾。

越人衣文蛇 此章言小雅道缺。四裔交侵。外侮之來。乃內蠹有以召之。

耕當問奴 蕭鄴侯舉韓信。管敬仲舉王子城父。皆付己之才。未能兼有故也。天下安。注意相。天下危。注意將。故謀國者以亟求將才爲要。

井蛙不可以語海 此章言非器凝識遠之士。不足與策時務。

三世長者知被服 能於一切澹。則德慧術智自生。

舌以柔而存 此章言剛柔張弛。高下在心。惟有遠略者。乃能神明其用。善持重者。素行嚴重迂謹。不敢毀方。瓦合積累。素修既久。廉正之名已立。一旦以智術應事會。乃不爲千人所指謔。亦其次也。

甘爲雞口 此章言達士必不爲欲炙所縛。志乎道德者。人世浮榮不足以惑之。

天不以人之惡寒而輟其冬 此章言風節宜素修。不可一豪徇人。以至喪己。

直木先伐 古之得道者窮亦樂通亦樂所樂非窮通也道得於此則視窮通爲風雨寒暑之序矣

刻鵠不成猶類鶩 量而後入勿入而後量陳力就列不能者止智小勿謀大力少勿任重有雄志而無雄才終必敗亡仲長統之所譏知足不辱知止不殆兩疏之所守此不可不曙戒過時而悔則已晚矣

薰以香自燒 詞章之士枝葉繁多根本欠缺且性常浮躁而不能靜故華實不能相兼

牛涔之水無尺鯉 積理深則其氣充實而言宜故不苟作而其言立

三人成市虎 此章言末俗習非爲是誣白爲黑上下雷同互相芘蔽乃濁世淪胥之象 漢書中山靖

王傳朋黨執虎十夫橈椎

本淮南子說山訓

乞火不如取燧 此章言天積氣而成剛士積精而自強國積賢而道昌必終日乾乾終夕惕惕以自強不息爲要領然後可與圖治

良醫之門多病人 此章言行止千萬端在惟義所安各行其是因時會而立基業

不聰不明不能爲王 此章言門內之治仁掩義門外之治義斷恩在寬猛兼用水火相濟庶救偏重之病

造父無馬無所見其能 此章言求治用賢宜及時若已失曲突徙薪之時則必至焦頭爛額不可救藥矣

割而舍之 此章言用志專壹不分乃克有成

爲發賜者 此章言識政本務持大體不爲煩碎。

上求材 此章言清宮廷之耆欲乃能率天下以儉勤戒及槃杆克己復禮乃能垂衣裳而治天下。

騰蛇無足而飛 此章言當務秉要執本清虛以自守爲連珠三十三章之結穴章法次第井井首尾相應。

凌霄吟 毛西河汪中皆以在室女子守志不嫁殉夫爲非禮竹垞作原貞駁毛子。

哀時 隱然有經綸夷險曙戒不殆之志。

杜工部祠 不爲虛美之語。元微之志墓及王荆公吾觀少陵詩獨與元氣侔一章秦觀經筵進論皆有虛美之詞宋景文新唐書列傳有好論天下事高而不切之語爲平心之論。

閔僕 陶淵明遣一力佐兒子薪水誠之曰此亦人子也可善遇之惻然仁人之言。

銅鼓歌 學王孟易學韓難公詩樸老扶疏雄奇雅麗由性通氣厚本於韓近也此作句奇語重排奭盤空尤神似石鼓衡嶽派泗交流諸作。

傲醉篇 鄭君飲酒一斛彌見溫克語人曰性本能飲但以荒思廢度故不飲耳亦此意。

送莫子偲 邵亭詩學陳後山時時闌入篋中集一派巢經巢集清厲刻峭純從孟韓出讀之如餐諫果飲苦茗令人少懽。

古風八首 上山采苦菜 末二句意稍徑直淺露 惟鮪悅回淵 謂廣張八紘乃足以得羣才若第

設一目之羅。則同能者見收。而異量之美被擯。惡足以得士乎。凡才器性行。同能不如同勝。一節獨到者。其人乃適於用。縱有疵病。不掩其妍也。此言科目取士太隘。不足以得度外非常之士。坐有科無目之病也。諸葛公惟能用度外士。故辦支持殘局。

辛酉春感 朶顏三衛。海西、建州、野人。木蘭國語。哨鹿也。朱石君作哨鹿賦。記其事。

黃忠端墨妙亭斷碑硯歌 此硯在崇語鈴撫部家。今歸寒齋藏。即國初竹垞朱先生曾藏。并作銘十
二言者。身可劇。心不辱。藏千年。化碧玉。竹垞之曾大父朱文恪公國祚。忠端座師也。累世通家。淵源親切。故爲之銘。不獨

追懷漳浦風節。足以興起百世也。門下士漸西袁昶謹識。時丙申五月。久疴新起。

采桑曲 此當有所寓。如張籍明珠篇之類。

黃陵廟 指遠別離一首。有騷之遺味。

屈大夫廟 屈子懲世。常先天下憂。故自日光玉潔。千古不可磨滅。宋玉傷己。又曰私自憐。殆歎老嗟卑。羨塵世之浮榮而已。

鸚鵡洲 孔融言多敗事。器漏不密。第七句用禰賦。女辭家而適人。臣出身而事主。二句意。

吳王臺 六句其事可感。杜詩灑落君臣契。

杜征南祠 杜公解春秋云。聖人包周身之防。言高則指遠。文簡故義深。其熟審於損以遠害。益以興利可知。杜瘦而多智。身不跨鞍。射不穿札。然廷推將相。無出其右。故時人號爲智囊。又稱武庫。

陶桓公祠 東坡謂劉壯輿曰。陶威公忠義之節。橫秋霜而貫白日。晉史書折翼事。豈有是乎。陳忠肅亦曰。陶公被誣。以晉之刑政不行於庾元規也。元規以筆札啗王隱。折翼化鶴之事。隱與杜延業共爲之也。右深宿王公語。錄之以證末二句。乃前人公論。非壺公師剏論也。第七句非妄歎。不虛美。評古人要當不失尺寸。此之謂定論。

秋風亭 萊公詩。野水無人渡。孤舟盡日橫。乖厓諷其不學無術。故云學晚。爲丁謂王欽若所排擠。貶厓州。亦學術淺有以致之。

赤壁東坡祠 言公作黃州團練副使時。猶盛年。晚遭紹聖黨籍之厄。恨不久淹寒溪西山。可以斂德避難也。第三句於坡公句。能觀其深。律詩境界作華妙語。易作平實語。難。九章平心尙論。句律春容有餘。胸肌廣博。天所開。此境亦非劉白蘇黃所有。

湖北提學署草木詩 屋阿一小樓。培養士氣。不當如是耶。

堂背種山桃 此寓爲學當深耕熟耨。勿鹵莽求速效之意。種樹不易蕃。公愛賢若性。疾惡如風。時時於文字閒流露。

潘侍郎勘書圖歌 劉孝標謂學廣則難周。難周則識闕。故譬之懸處視月。學寡則易覈。易覈則智明。故譬之牖中窺日。此丹經萬卷。不如守一之意。孝標之言。良有至理。五穀不熟。不如莠稗。指約而易。摻可爲。馳騫無涯之智。薄算不知所止泊者。腦後下鍼。楊子法言。多聞則守之以約。多見則守之以卓。非多聞。

則無約也。非多見，則無卓也。此誼更圓足。褚裒言：北人讀書務淵綜廣博，南人讀書尚清通簡要。此如作艸隸。北宗尚體勢，南宗尚神韻。北碑多方嚴遒勁，南帖多婉麗華妙。要各有勝處，不相讓掩。故詩中云：未知南北誰短長。

秦子衡崇效寺丁香海棠卷。寺有唐人王仲堪石志。又王孟津書止觀二大字。又國初智朴和上紅杏青松卷子。或云：朴寓意松山杏山之戰，有勝國之感也。病起遊諸寺。用楊景度事甚韻。真所謂忘適之適也。

登牛首山望終南曲江樊川輞川作歌。亭林作歷代宅京記。論都以關中形勝爲上，黎洲作明夷待訪錄。則主金陵。觀此詩，則黃說本非。顧說亦不切事勢。公論都及指陳歷代得失，以幽雍形勢爲最便利。足以襟帶表海，七行省，控制蒙古內六盟，外四盟，及安西天山南北各二路。此非頌颺泛詞，實乃斟酌古近事變而折衷之。大言炎炎，亭林云：必有體國經野之心，而後可以登山臨水。意惟公足以當之。先提挈幽都雍都最勝爲綱，中評隲各舊都之失，末段難雍而伸燕。章法簡當，次第賓主秩然。雖櫛拈爲韻語，卻見經世之略。後人切勿草草讀過。

桑乾渭水渾流黃句 雙寫提綱。

汴京釜底洛土囊句 以下歷評建都之失。
建國由來戒沃土勢高氣厚人文武 二句通論、礪論、至論。

關中今亦少王氣。奧區自全非。上計二句。砭雍都亦確論。

以雍比幽廣狹異句。斥賓定主。

後擁突騎護遼瀋句。於形便生方略。

攜家遊江亭。有退之五楸詩句法。公性氣雄厚。純馭韓出。典質樸老。處則逼入顧亭林。疏宕清折。處則參用東坡半山法。

哀六朝。此憂世深言也。世運繫乎風俗。風俗兆於人文。草隸八法。以隋末唐初爲正軌。不學唐人而仿六朝。卽論六朝。自以弔比干文。刁遵鄭義爲較平正。捨此不學。而仿褊削側媚之造象。甚矣世士之好怪誕。欺世盜名。銜髓紫而廢雅言也。得公此論出。一掃舉世之蚍蜉榛翳。重見天日清明矣。荀卿謂亂世之文匿而采。王深甯言。世說之言輕以浮。天下將亂之象。文中子中說。閔以實。天下將治之象。人文風氣所趨。可以覘世運。今俗樂多秦聲。嚙殺羽音。其細已甚。民弗堪也。北宋末。汴京婦女。繡履用金線一縷。曰錯到底。梳倭墮髻。曰上馬不落。卒罹金人之禍。此服妖也。今見此。皆可憂。

誤盡。伯厚多聞。鄭校讐。校讐之學。到底歸於无用。

淮譁蜀亂。毀藩籬。亡國之兆。漢末好鴻都小學。爰禮秦近之徒。汴宋末好周邦彥度曲。明末宏光譜燕。子箋者。浮華而廢農戰。亡徵一也。

壽徐蔭軒。總憲六十生日。法筵屢見。靡蒿菜。春殿從無折柳枝。二句用事渾成。有鹽著水中之妙。此

惟荆公筆能到。

青城山 古有避世姚平仲 姚平仲 汲京淪陷後 避居蜀之青城山 年九十餘 見老學庵筆記。

五北將歌 五章以史筆爲實錄 有不虛美不隱惡之意 不規規樵杜也。

謁胡文忠公祠 二章沈著深婉 國朝如姚惜抱 洪卷施 皆長于律體者 不能到此境。

彭剛直公輓詩 公權督兩粵之命下 與彭公書云 逐公上下 譬龍乘雲氣而遊 範我馳驅 願虎帥國人 以聽 兩公許國之心 如針芥之契合 故輓詞沈痛乃爾。

憶嶺南草木詩 草木芳馨 以喻思賢士 此十三章 非仿東坡海外種薏苡等篇 實用老杜八哀體律 句 奇語重 字字若履峻厓危石而下 公經意之作也。

謝易實甫餉廬山茶藪 此章遠性風疏 與他作文繁理富者又別 耐寂七字 拈盡班孟堅幽通賦高 伯恭北叟詩意。

九日八旗館露臺登高 范公作漁家傲詞 晏元獻嗤爲窮塞主 公寓言借喻 殆自爲解嘲。

湖北三得大雪除日賦詩 公本色在韓 仍是盤空硬語 用心民事 腳踏實地 則本之沮公 字字皆桑麻 穀粟 如語實語 不異語也。

蜀葵花歌 風趣質而實綺。

劉向 柳下惠見鮒 云可以養老 盜跖見鮒 云可以黏牡 牡 門牡也 譬六經之言 雖粹美 君子治之 所以

濟其善。小人挾之。適以濟其惡。猶竊鈞竊國之喻。彼飾六藝以文奸。言資巧宦。如公孫平津、孔光、張禹、呂惠卿。古今多有。豈獨歆之背向然哉。

杜甫 新唐書李杜傳論謂甫白皆好論天下事。高而不切。

附錄小瀝巢日記五則

讀樊雲門詩。隊仗層出。鎔裁麗密。無不達意之句。而又善達曲折難狀之意。令人散朗多雋懷。讀李越縵詩。清峻博瞻。洗伐功深。然趣含卞急。令人長傲兀之氣。讀莫氏邵亭集。鄭氏巢經巢集。石澗清激。百丈游鱗可見。掇皮皆真矣。然時如林箐隘谷中。見日光炯碎。又如深山鍊氣服食之士。被薜衣蘿。終有山鬼氣味。令人不懂。讀壺公師集。覺步步導人平實。勿徒馳騁才華。令人胸肌廣博。穆然意靜。讀湘鄉曾公詩。寓縱橫談詭於規矩之中。含指攝方略於句律之內。令人氣斂而神勁。聲音之足以移人如是。學人積理之淺深。養氣之盛否。存中形外。誠不可揜於意言之表。體味輒得之。

讀壺公師集。知公才性向來一意孤行。不爲利名所纏。不爲世議所撓。窮不隕穫。貴無充訕。大行不加。窮居不損。其用心。博密處。他人縵省不能憶。卽以詞章一藝而論。惟求適獨坐之理趣。不遂驚四筵之浮譽。楊子雲謂由於獨智。入自聖門。退之詞必已出。文從字順。周情孔思。日光玉潔。李翱識破古人。剽意造言。各不相師。故退之自造語言。時到聖處。翺亦清峻曲折。一節獨到。介甫云。衆然而然。小人也。已然而然。君子也。後之讀壺公師集者。勿執字句求之。乃能於形骸之外。時觀宗趣。若柯有真理。若第皮相文句。則局

於形骸之內。去之彌遠。

歐陽公得意句云。南隴鳥過北隴叫。高田水入低田流。山谷則云。野水自添田水滿。晴鳩卻喚雨鳩歸。歐陽公句云。曉出都門道。微涼草樹秋。山谷則云。碧樹爲我生涼秋。豈非歐句拙而黃九句巧乎。裴晉公詩云。灰心緣忍事。霜鬢爲論兵。韓公上裴公則云。放意機衡外。收身矢石閒。又云。擺落遺高論。雕鑿出小詩。豈非韓語工而裴語質乎。重爲輕根。靜爲躁君。古今性行。靜重者質多。文少。篤其實而藝者。書之而常貴。壽。性情輕躁者。率巧於文藝。文滅其質而常數奇。皇甫規爲度遼。而趙元叔官止郡吏。沈休文。范彥龍。又手向左。而銜孝標。銜彥和。皆踣落。唐初四傑。失志天困。而曲江風度。輝映台鉉。蘇門四學士。半終于謫籍。陳師道亦官止正字。而文忠文定。立朝氣節。百代宗仰。與之齒者。去其角。兩其翼者。傳其足。瓜甘則蒂苦。華繁則實稀。造物安排。若有數存焉。于其閒。沈端恪云。詞章之士。枝葉繁多。根本欠缺。蘇文忠戒秦黃輩。挾有餘之資。而驚于无涯之智。充其詣力。前路亦安所止泊乎。學人當早覩自家安身立命處。要不可以不知道。如白蘇陸三公。福慧雙修。始兩得之。

壺公師集。刊落纖穠。語皆真實。甯拙毋巧。甯質毋綺。如布帛之有幅。如竹箭之有筠。稱心而出。意不求工。殆深有得於白蘇陸三家之句律宗趣者。

湘鄉曾公題李義山集後云。渺縣出聲響。奧緩生光瑩。太息涪翁去。無人會此情。山谷律詩最講崑體工夫。參以杜夔州後氣格。古詩亦源出浣花玉溪。後來人不善學之。遂流爲江西惡札。北宋初。錢惟演。

楊億、劉子儀、宋祁、王禹偁、祖玉溪而爲西崑派。所得其皮骨耳。至澠縣與緩。時出新變之境。楊鎰似未夢見也。然和平舒麗。不失爲盛世之音。歐梅變之而未能復古。自此唐宋人始分界絕矣。荆公風趣。優入晚唐。最工唐體。東坡長於引喻。只用鎰白格調。其筆勢所到。則往往枯處成妍。無中生有。能於寂處發起。照用字字南華。華嚴語妙。豈香山夢得所能到。其聖處哉。然杜韓多從正面寫。坡公多從反面側面寫。究非詩家正格。故山谷略獻機鋒云。我詩如曹鄴。淺陋不成邦。公如大國楚。吞五湖三江。曹鄴雖小。孔子刪詩。列之國風。楚雖大。游于方之外矣。爲尼山刪訂所不及。此其微意也。然則陶謝不枝梧。風騷共推激。自開天以後。正脈要以杜爲鼻祖。偏得杜法者。玉溪生。偏得玉溪法。乳能以故爲新。以俗爲雅。惟涪幡爾。壺公師講求格律最細。亦時時有出入於玉溪涪幡處。故詳之。

曾公每勸人熟精選理。晚年讀文選最熟。故伐材取格皆於選。杜韓皆極意伐材。于選詩選賦。人坐不細尋其鍼線迹耳。學選則氣自厚。律自工。學初唐則體清而行氣扶疏。造意深婉。人第以江西派入手。則氣薄。第以西崑入手。則意理往往爲詞所掩。利病良非一端。不可不知。王新城一生甘苦宗旨。在不在爲江西。又割愛西崑。牢守伐材於選。取法于唐二語。壺公師深於選理。兼有南朱北王意理宗趣。於歷代以詩名家流別。亦諦審其趣。博涉多優。出其餘事。良非偶然。故詳列之。

書後

甲午仲冬。客鍾山下。一夕。孝達督部師出詩三巨册。枉示。諷肄久之。乃稍稍閱見要領。公詩簡嚴得之穀。梁春秋深婉得之范書。諸傳贊。隸詞引喻得之呂覽。韓非及荀之成相。俛篇。其文或繁或簡。皆有法度。而誼亦有散有聚。王牛山解詩從寺。古官解。政治所出。謂之寺。寺者。有法度之地。詩者。有法度之言。橫空而來。盡意而止。縱橫峻逸。不主故常。近體句律用義山爲近。而去溫三十六之纖穠。無宋初西崑諸公之板滯。二者之病。皆無馭犯其筆端。昶對公言。此安石碎金。故當流傳世閒。公笑曰。那得便爾。殆不過陶公木屑耳。公於談諧中出莊語。箭鋒相直。今日迴思。情事宛然。杜預解春秋云。聖人包周身之防。言高則指遠。辭約故誼散。吾師演連珠爲古詩體。作三十三首。汰繁富爲簡鍊。言有宗主。喻有指歸。詩境從春秋義指出。故文簡而意趣甚深。夫拯溺由乎道。情戢暴資乎神理。引誼博喻。比物屬詞。此卽道情神理之所寓。又集中論歷代建都得失一首。凡此義類。乃古今極有關係文字。足以扶樹世教。振醒聾瞶。其體裁明密。言成粟帛。以眎古微堂集中。噫。古吟仿秦中吟諸篇。爲一世騷雅推重者。猶且度越。足以俯眎之。況於並世餘子。瓊瑤又何足云。詳其品格。豈第碎金然乎哉。公奏議書牘。多經國遠猷。他日及門編次。當爲正集。其它箴銘頌贊賦序碑記論議簡札。大率未編定。且公方翊贊軍國之重。訐謔長算。疊疊日出。囊饒忠智。炙輶不窮。精神淵著。未有艾也。今先以詩

廣雅碎金 書後

二

後。初集四卷。校寫定本付梓。刻成名以廣雅碎金。第記疇昔語云爾。光緒丁酉長夏。門下士桐廬袁昶謹書。

補校

顧子朋言卷二漢上琴臺詩亦等君臣石水知石水疑用蜀志魚水不知此用李蕭遠運命論張良遭漢祖其言如以石投水莫之逆也顧說非也

卷三目錄和王壬秋龍樹寺集和誤作賀

卷四族姪瑞蔭入學賦詩爲賀高人鉅谷虎龍蕃用韓文馬少監墓志語人疑山之誤

右三條上元顧明經雲校


卷二奏孚平之章 垓埏樂晏清 敷清字

滌山書堂歌小注諸生人有和章和誤作賀

卷四李泌絕句重來仙翻因鴛騰 賽誤作鴛

又火井詩 蜀產洵夥頤用陳涉傳語夥誤作夥

此四卷中涇洪孝廉繁儀徵劉孝廉富會校讎爲多



詩興雜園榆

著業振袁

榆園雜興詩

本館據漸西村舍
叢刊本排印初編
各叢書僅有此本

榆園雜興詩敘

自桐君以西。羣山蜿蜒如虬龍。衢婺歙三州之水。環流其下。凡九十六瀨。嚴陵其二也。軋盤涌裔。匯爲桐江。謝康樂詩所謂石淺水潺湲。日落山照耀也。上有東西釣臺。高各數百仞。與釣臺相對者曰蘆茨原。林壑陰翳。唐方干棲遁結廬之所。桐廬信詩人之國哉。予於並世得二袁焉。曰重黎侍御昶。與其從兄潤甫先生振業。重黎於學無所不窺。左右采獲。以昌其詩。寥芳樹軌。益闕以肆。而先生一邱一壑。泊兮若無營。不煩繩削。動與古會。其眎康樂。未知何如。方之辛英。似較超軼絕塵矣。蓋重黎蚤與勝流。夙耽淨業。發子雲壯夫不爲之歎。鄙李何牛耳囂然之習。泊官輦下。望實並茂。益得珣鏡元化。揮斥四裔。故出其餘事。以爲詩。鎔裁經傳。擘貫物理。先生則秉孤澹之操。標蕭遠之旨。提鵬挈鷺。自放於水淪風漪之鄉。故其爲詩。優柔平中。極比興之能事。重黎之詩肆。先生之詩醇。所詣或少少殊。其稱其地之所滂薄。蘊畜充實。不可以已則一也。予交重黎二十餘年。而不獲識先生。識先生詩於重黎許。先生年且六十矣。重黎屬一言弁簡。予北征旣賦。不得揖遜桐君。介一觴爲先生壽。日手是編而景仰之。山高水長之風。雖不能至。心嚮往之。它日與重黎一櫂圖南。從先生瀨上。以詩歌相酬答。客星之曜邪。朱鳥之晉邪。雲山之韶濩邪。先生其有以廣我矣。壬辰春二月。金壇馮煦。

榆園雜興詩

行經香鑪峯下訪報恩寺

芳郭里人袁振業

初地淨瑠璃。墮風盡日吹。犬迎知客到。雲合覺山移。細草承趺坐。青松當麈枝。谷栖如可老。何以世緣爲。

江望

微風吹白芷。水曲幽香發。隔浦望歸樵。孤煙表村落。稚子弄流杯。山人行采藥。臥諷玉書文。遠來倚江閣。

白水鄉山下荷花

草樹翳碕岸。青山如浴螺。下尋沙際盡。忽見風中荷。無人只獨賞。翠鳥亦時過。紅芳開未歇。不採復如何。

南村方氏茅亭

晚悟謝塵繼。閉關三十年。去年離下酌。共藉菊花眠。山檻看落日。潭鱗躍蒼煙。幾迴俗士駕。劇杖出園泉。

古香丈年近九十。尚健飯。

斬竹簞

炎空氛霧淨。午枕撼風船。幾尺漪紋展。中有蒼筤煙。巖栖老安帖。卻謝區中緣。炎歊障自卻。舒卷理亦便。方笑蒙園叟。意適遽遽然。

和趙友農四丈獨釣

朝穿霧樹出。晚度石橋迴。柳影魚方唼。萍嫩鷺忽開。危蹲或有石。標寄不名臺。兼分藥苗種。時隨藟采來。沾得村醪釀。懽迎穉子咍。

冥酒

世累託賤役。時平守枯株。所嗟稻梁計。場圃亦已蕪。向子悟日損。卜氏歎形癯。年長未聞道。徒爲形迹拘。文終隱刀筆。高密寄嗇夫。古來賢達人。或侶釣與屠。我則異於是。甘爲仲長徒。蕭瑟河渚閒。瘖聒結歡娛。昨約束臯子。冥酒炊彫胡。酣適相枕藉。擊壤嬰唐虞。

示師谷庵高漢律師

林鳥曙鐘散。蒼然衆山寂。起諷楞伽字。還參雪色壁。野外無人居。巖溜時一滴。蒼鼠亦忘機。仰拱松枝適。

鍾山寺

直上徑紆曲。孤尋撥白雲。忽露招提脊。餘梵出煙溫。迴看下山路。但見牛羊羣。擾擾人閒世。溪聲蕩夕曛。

謝參軍墓

峽岸立積鐵。蒼厓一千尺。前朝晞髮人。於此盪營魄。天地旣異色。漂搖焉所宅。蕭條冬青林。煙蕪六陵迹。孤鳳北去斷。寒月照祖席。魂招不可來。血化千年碧。空山寂無人口。銜一片石。蒼海無時填。風濤盛阻積。難反柴市魂。空爲釣壇客。精誠留天壤。不逐駒過隙。我來奠椒漿。林木氣爲白。

於潛道中望天目山

太虛信寥廓。眞宰蟠昭融。南條奮鱗鬣。嶺峯三州中。紫煙時隱現。金堂微徑通。蕩滴流泉乳。嵒排天宇空。藏雲岫如複。表塔氣猶蔥。迴瞻化城異。暮散青林鐘。可望不可卽。擘開蒼峽龍。

與從弟羲亭游桓山

晉時丹陽人許邁采藥於此。

許君昔栖託。服餌希神仙。插樊止游客。結茅乃山巔。丹井亦以湮。斷垣無復塼。至今溪口樹。桃花紅欲燃。華萸濯春雨。瓊藥含朝煙。日落山鬼嘯。天風何冷然。汗漫一枝筇。與子長周旋。

杏花

老屋垣西一株樹。根蟠半畝濃陰布。春來花覆幾家簷。落葉游絲拂簾度。蜂蝶紛紛過薜牆。袁東柴北胡中央。絳綃翦出千條纈。紅雨漫空十日香。游人上巳連寒食。露泫胭脂勻臉色。媽如宮井景陽妝。月下嬌愁傾一國。僕家高樓切雲起。山寺鐘聲聲入耳。酒家近處少青帘。一畝平蕪三十里。書幌清幽晚課殘。洞窗綠綺偶開看。仙姿正對飛瓊面。點筆婆婆倚石闌。自從烽火連辛酉。仙根摧折樵蘇手。比屋俄成瓦礫場。荒園竟爲狐鼯有。崇聖祠頭梅十株。鸞渚虬臥畫難如。同時亦付胡塵劫。無復香圍青豆廬。何況當年同社人。摧蘭作艾桂爲薪。門巷全非舊宅主。鬢毛但睹少年新。重支茅屋三椽足。樓拓晴窗無麗矚。只餘曾嶺四奇松。遠翠凝停猶在目。桑海遷移話百年。黃鷄歌動我淒然。倚雲再種西垣杏。欲倩醫王跨虎仙。

西鄉

曉行深谷裏。斂豁見平疇。日出青林露。珠璣翠欲流。麥田驚雉去。竹屋囀禽幽。吾師田水聲。潺潺北山頭。

閒居

南窗垂柳映迴溪。已字闌干不厭低。一片雲飛春喚北。半隄人簇畫橋西。花閒煮酒催村僕。竹下彈棋慰病妻。莫謂此閒無可隱。風湍江檻足留題。

小軒虛寂夜如何。七椀盧仝不厭多。寒犬吠闌明野火。翠禽栖穩翳煙蘿。津頭曉鼓猶虛警。窗外輕帆已警過。如此江鄉堪入畫。身居畫裏不煩摹。

閒來散步出東城。桑徑欹斜撥杖行。春社明朝猶待燕。江村二月已喧鶯。裁看村女營蠶事。又課棚丁叱犢耕。惟有幽人無一事。合江亭下看潮生。

稚子

朝來稚子伴翁嬉。林下攀條學作籬。嵌石穿渠供一笑。卻思風味似兒時。

癸未正月偕友人至九里洲看梅花

岸隨舟轉泛澄江。無數青山過小窗。未叩溪堂尋野老。先看村落出驚龍。佳人遠訊滯疎麻。問訊南村第一花。忽見橫枝出籬落。綠煙蒙密見人家。凍崦冰池蝶不來。山南已作五分開。錯疑翦取鵝溪絹。雜綴三天明鏡臺。村舍真成白玉京。虬姿玉骨繚縱橫。人間無此真清福。修到仙家第幾生。

唐日危亭一角存。落英飛下復粘樽。穿林一片溪迴雪。猶有前朝釣石溫。
度世翛然隔幾塵。凍蛟爲脊玉精神。瘦筇喚取坊西沈。來爲奇花一寫真。
沈秋白禪畫梅有華光遺法。
小榼殘杯各自攜。先判花下醉如泥。臥看絕壁天光大。仙洞扉開路轉迷。

茶煙

戴公山下汲清泉。礪戶絲絲裊裊煙。知是前村茶熟候。一甌初試乳花圓。

江上

浪卷前朝龍尾沙。江心界破一條斜。秋來水涸沙痕見。蠓舍新添三兩家。

山家

欲到山家問小童。松閒獨立指疎桐。不知採藥人何在。想像丹爐雲霧中。

安樂山

安樂峯前暮色酣。煙光雲影兩相參。疎鐘隱約三山塔。舊蹟猶存一鉢菴。

欲雪

朔風獵獵吹寒江。山木慘淡明虛窗。東鄰初熟竹葉酒。西舍欲滅松肪釭。老屋芋爐無宿火。誰家凍笛不成腔。漁翁料得明朝雪。挺叉突叫冰魚雙。

寄白雲源中人

占得山鄉復水鄉。拖槎溪路似羊腸。隔江牧笛吹殘雨。近渡漁舟盪夕陽。近得道書蓮瓣夾。新筍村酒菊花香。南樓久遲望不到。肯伴潛夫一舉觴。

泳修上人重建圓通寺落成。忽又參方。不知所往。詩以訊之。

榛蕪久已沒禪堂。金碧俄成作寶坊。梵行爾真爲外護。祇林還遣復圓光。孤雲忽去誰家崦。野鶴無心再宿桑。底事功成身便退。飄然折葦向何方。

野興

有時野興詩心發。索筆追逋一字難。此景得來寧獨我。古人佳句幾開看。

答人問

莫謂秋來無雅趣。東籬黃菊兩三畦。高眠自恣朝餐懶。起看長林卷霧齊。

桐君禪寺

道院今翻作梵宮。山陰有客養虛沖。厓無去馬來牛迹。樵有朝南暮北風。塵事紛紛丹竈外。爐煙寂寂白雲中。浮囊欲致騖鸞侶。閒看晴雲上碧空。

午睡

白晝攤書倦不支。匡牀竹簟意嫌遲。劫殘棋客行須去。齋罷山僧散不知。一枕味餘留淨土。三杯悟後見皇羲。小窗夢醒茶初熟。風送簷花落硯池。

秋晚

荻亂閃漁燈。秋江暮色增。鳴榔喧隔岸。一箇夜歸僧。

君山

塔影臥煙中。楸花曲徑通。人言山路窄。我覺世緣空。

哭四弟義亭

七困鄉闈有底悲。雨窗無復對床時。爭禁鶴髮垂扶杖。忽厄鵠原又折枝。多難芋田無舊業。前游梅嶼有新詩。寄書憑雁將雙淚。報與金門隱吏知。

石屋隴先人別業

迴泝兒時意欲癡。本來清德畏人知。芸緡篋祕三冬用。竹引溪筒一溉時。小澗尙留松化石。級苔猶記壁粘詩。荒墟雖在耕無力。但待兒孫課未遲。

十一弟北行省七弟於京師口占送之

峽束蒼江浪作堆。枝官一去滯燕臺。三千里外書宜數。十四年前客未回。好去布帆終日穩。壯觀海市一樽開。問予但說身強健。爲報江鄉已熟梅。

大奇山瀑布

招提素脊出增雲。濺沫飛流失瀑根。直下衝翻愁地脈。橫挖礪戶亘天紳。兩龍爭壑那知夜。一布懸空欲

度人此亦曹溪泉味別。木魚風響待修真。

九頭松

奇松偃蓋對沙洲。勢欲飛鳴遠嶼投。風起偏疑遙吹度。雨餘誤聽怒濤流。仙人白鹿行常見。老父青羊去不休。攜榼登山無十里。匡光一綫射江樓。

春晚

垂柳繫江船。風灘落檻前。一聲春去也。卻是散花天。春去也。吾鄉所在有之。卽子規也。

紅樹

槭槭寒林動遠空。昨宵淒緊已霜風。不辭欹杖三叉路。看遍溪南樹樹紅。秋山明媚鬪殘妝。翦纈裁緋舞一場。老去莫嫌文事退。能迴絢爛占風光。背日丹楓得秋早。春光那似秋光好。送與天池落木翁。煮茶爲課家僮掃。

望龕山

海氣百重昏。銀濤萬馬奔。亂流爭一綫。赤岸壯雙門。秋色平分樹。煙光數點村。東維此鑿鑰。奔湊拱中原。

西崦探梅

故園催臘盡。寒谷喚春回。野渡無人迹。芳樽盡日開。鐘殘淨土寺。雪覆上方臺。芒屨衝寒至。孤筇蹋雪來。橫枝冒翠羽。落葉照蒼苔。傾壺就沙際。倒盡蒲桃醅。願化青田鶴。長栖瓊粟堆。

戲贈澆園上座

前朝老衲門風頗黃箴圍腰春自癡隔牆釵釧不聞聲雪竹打窗鑪撥火不著於坐而禪觀高屐穿林野
花妥春來呢笋作伊蒲秋至釘盤摘山果長廊月上清齋罷破落山門夜無鎖



三十年五月五日
該書店

編主五雲王

編初成集書叢

種一他其及金碎雅廣

冊二

中華民國二十八年十二月初版

發行人

王 雲 五
長沙南正路

印刷所

商務印書館

發行所

商務印書館
各埠

(本書校對者潘同曾)

G 一六九一上

印



83

14

:2340